



Allaganngorlugu nalunaarusiaq

2006

Allaganngorlugu nalunaarusiaq

Sinniisoqarfik ukioq manna Hotel Storebælt-imi Nyborgimiittumik ukiumoortumik ataatsimiissaaq. Siulersuisut nutaat atuutilernerannit sinniisoqarfiup ileqquusumik ataatsimiinneraa siulleq. Ilisimaneqartutut sinniisoqarfik IMAK'ip qullersatut oqartussaasoraa. Kattuffiup aalajangigassai pingaarnerit tassani aalajangerneqartarput, piffissamilu takkuttussami suliassat siunniunneqartarput. Nalunaarusiaq manna 2005-imut nalunaarusiap siorna marsimi nassiunneqartup kingorna kattuffik sunik sammisaqarsimanersoq pillugu nalunaarusiaavoq.

Allaganngorlugu nalunaarusiaq siulittaasup ataatsimoortumik nalunaarusiaata aapparaa. Immikkoortuata aappaa sinniisoqarfik ulluni 24. – 26. juni 2006 ataatsimiilerpat oqalugiaatigalugu saqqummiunneqassaaq.

Sivso Dorph

Imarisaanut nalunaarsuutit:

1. Perorsaanermt tunngasut
 - ◆ Atuarfeqarfik
 - ◆ Ilinniartitsisunngorniarneq
 - ◆ Inerisaavik
 - ◆ Ilinniarfissuaq
 - ◆ Sumiginnaasarneq

2. Suliaqarfinnut tunngasut
 - ◆ Piffissaq suliffissaq pillugu isumaqatigiissut
 - ◆ Suleqatigiinnermut ataatsimiitaliat
 - ◆ Feriarnerni angalanernut aningaasaateqarfiit
 - ◆ Sullivimmi atukkat
 - ◆ Soraarnerussutisiaqarfiit PFA aamma LP

3. Aaqqissuussinermut tunngasut
 - ◆ Kattuffik
 - ◆ Allangortiterineq
 - ◆ Ilaasortat
 - ◆ Ilaasortanik ataatsimiisitsisarneq
 - ◆ Siulersuisut
 - ◆ Sinniisunik pikkorissartitsinerit
 - ◆ Tunngaviusumik suliassatullu pilersaarutit
 - ◆ Aningaasaqarneq
 - ◆ Allattoqarfik
 - ◆ Danmarks Lærerforening
 - ◆ Nordiske Lærerforeningers Samråd
 - ◆ ICC
 - ◆ PIP og suliaqarfitsigullu kattuffiit allat
 - ◆ KANUKOKA
 - ◆ KIIP

4. Allat
 - ◆ Ilinniartitsisoq
 - ◆ Qarasaasiakkut nittartagaq
 - ◆ Taarsigassarsisitsisarfiit Tjenestemændenes Låneforening aamma Danmarks Lærerforenings Låneforening

5. Nalunaarsuutit

1. PERORSAANERMUT TUNNGASUT

Atuarfeqarfik.

2006-imi augustip aallaqqaataani meeqqat atuarfiat pillugu peqqussut maanna atuuttoq atuutilermat ukiut pingasut qaangiutissapput.

Akuerineqarnissaa atuutilernissaalu sioqqullugu Nunatsinni meeqqat atuarfiat atuarfitsialanngorluni allanngornissaanut isumalluarfiulluaqaaq.

Qularutissaanngilaq atuarfinni amerlasuuni peqqussutip siunertaata tungaanut pitsaasumik ineriartortoqarsimasoq. Taama ineriartorneq atuarfinni/ kommunini kikkut tamarmik – atuartut, angajoqqaat, ilinniartitsisut, aqutsisut politikerillu – allanngortitsinerit piviusunngornissaanut pingaaruteqarnerannik paasinnissimasuni malunnarneruvoq. Kommunini taakkunani meeqqat atuarfianni pitsaassutsimik siunertaqarluni qulakkeerinninniarluni nukippassuit suli atorneqartarput.

Allannguinerit piviusunngussappata peqataasut tamarmik ataqpeqatigiinnissaat pingaaruteqarluinnarpoq.

Pissutsinik iluatsitsiffiusuni malunnarluinnartumik takuneqarsinnaavoq ingerlalluurtumik suleqatigiinneqartoq, ilaatigut suleqatigiinnermut ataatsimiititaliami sulineq aqutugalugu.

Piffissaq suliffissaq pillugu isumaqatigiissut siunertatut meeqqat atuarfiat pillugu peqqussummi siunertat piviusunngussappata suleqatigiinneq pingaarluinnartuuvoq. Piffissaq suliffissaq pillugu isumaqatigiissut malillugu suleqatigiinnermut ataatsimiititaliap malittarisassanik samminnera, atuartut atasiakkaat eqqarsaatigineqarnissaanni tamatigoortumik pilersaarusiornissap qulakkeernissaanut pingaaruteqarluinnarpoq kiisalu pitsaassusilimmik atuartitsinissap ingerlanneqarnissaanut, pikkorissartarnerit, aallaarsimaartarnerit il.il. ingerlattarneri isumagiutugalugit.

Suliaq taanna pitsaanerpaamik angusaqarfiginiarlugu IMAK'ip KANUKOKA apeqquteqarfigisimavaa atuarfinni suleqatigiinnermut ataatsimiititaliat peqatigiilluta pikkorissartittarsinnaanerigut.

Siulersuisulli isumaqarput peqqussutip atuutsilernissaa sumiiffinni tamani suli ingerlalluannitsoq. Taamaammatt ukiumi qaangiuttumi tamatumunnga suut peqqutaasinnaanersut siulersuisut sammingaatsiarsimavaat, tamannalu allanngortinniarlugu suliniutit suut ingerlanneqassanersut.

Pingaarnertut uparuartariaqarpoq suleqatigiinnermut ataatsimiititaliat aqutugalugit periarfissanik atorluaaneq amigaataasoq, tamatumalu malitsigisaanik pingaartumik sulinermi anersaakkut atukkatigut sunniuteqarnerliorsimavoq. Pissutsilli allat aamma peqqutaqaapput.

Siorna allaganngorlugu nalunaarusiami erserpoq, taamani ajornartorsiutit ilagigaat allaffissornikkut atuartunillu allaffissornikkut suleriaatsit inaarlugit inerisarsimannimmata, taamaammallu peqqussutip tungaanut imaluunniit piffissaq suliffissaq pillugu isumaqatigiissutip tungaanut pilersaarusiornerni atorsinnaanatik. Suleriaatsit amerlasuunut iluarinartumik inerisaqqinneqarsimapput.

Soorluliuna aallartisarnermi sulii aporfissaqartoq. Pikkorissartitsinerillu atuarfinni pisortaannarnut atuutinngillat, aammali ulluinnarni suleriaatsinik atuisussanut pisariaqarlunnarluni.

Atuutsitsilernerup ingerlalluanninneranut peqqutaasut qularnanngitsumik ilagaat, sumiiffinni amerlasuuni immikkoortortani aqutsisoqalersimanera naammaginartumik atorluarneqarsimannginnera. Atuarfinni piginnaasaqarfiit tamaasa sapinngisamik pitsaanerpaamik qanoq atorluarneqarsinnaanerisa eqqumaffigilluarnissaat pingaaruteqarlunnarpoq, taamaalilluni assersuutigalugu marloqiusamik allaffissornissaq pinngitsoortissinnaallugu, imaluunniit aqutsisut suliaasa ilaat tunulliukkallarneqarsinnaallutik.

Maanna allaffissornikkut skemaliornikkullu suleriaaseqalersimagaluarluta soorluuna suleriaatsit atuarfinni tamani sulii sungiunneqarsimanngitsut.

Peqqussutip siunertaasa ilagaat eqaatsumik pilersarusiortarnissaq, tamannalu piffissaq suliffissaq pillugu isumaqatigiisummi eqqarsaatigineqarsimavoq. Skemaliornermilli suleriaatsip nutaap aallaavigimmagu ukioq kaajallallugu assigiimmik skemaqartoqassasoq, atuarfinni amerlasuuni skemalioriaasimsasoq atatiinnarneqarsimavoq. Nunatsinni illoqarfiit pingaarnersaanni Nuummi illoqarfiup atuarfiini tallimaasuni ukioq kaajallallugu assigiimmik skemaliortoqarpoq. Ilulissanissaq taamaappoq. Nuummiinnaanngitsoq Ilulissaniinnaanngitsorlu, Nunatsinnili atuarfinni amerlanerni tamanna ajornartorsiutaavoq. Tamatuma nassatarisaanik ilinniartitsisut paarlatsissaanik pissarsiortoqartariaqarpoq, ilinniartitsisut pikkorissarneq, aallaarsimaarneq, atuartunik angallassineq, innuttaasut suliaasaqartitaaneq allaluunniit peqqutigalugit peqannginnissaat ilisimasimagaluaanniluunniit, uffa pilersarusiornermi iluarsineqareersinnaagaluartut.

Ajornartorsiut iluarsineqartariaqarpoq iluarsineqassallunilu. Ilinniartitsisut ukiup matuma ingerlanerani atuartitsiartortannginnerat marlussoriarluni eqqartorneqartarpoq. Siullermik 2005-ip ukiaani kingullermillu Inatsisartut 2006-imi upernaanerani ataatsimiinneranni, ilinniartitsisut atuartullu atuannitsoortarnerat pillugu tamanut saqqummiunneqartalernissaa Demokratinit Palle Christiansenip kissaatigimmagu. Ilinniartitsisut sulinngitsoortarnerisa malugineqartarneranut peqqutit ilagaat eqaatsumik pilersarusiortarneq atuarfiit amerlavallaat atorluannngimmassuk. Tamatuma kinguneraa ilinniartitsisut sulinngitsoortarnerat eqqartorneqaraangat apeqqutaatinneqartanngimmat napparsimanersut kiisalu ilinniartitsisut suliaminnik isumaginnillutik allanik sammisaqarneri soorlu pikkorissarlutik, aallaarsimaarlutik il.il.

Sumiiffinni ataatsiakkaani eqaatsumik pilersarusiortarnermut ajornartorsiut iluarsisariaqarpoq. Ukioq kaajallallugu assigiimmik skemaqartitsineq aamma atuartutsinnut tuttarpoq, taamaalilluni ukiumut nalunaaquttap akunneri atuarfissatik tamakkertarnagit, uffa eqaatsumik pilersarusiornerup qulakkeertussaagaluaaraa.

Suliffimmi atukkat pillugit immikkoortumi ilinniartitsisut sulinngitsoortarnerat pillugu ajornartorsiut uterfigissavarput.

Ukiup atuarfiusup matuma ingerlanerani meeqqat atuarfiat pillugu sammineqartut ilagaat, atuartut 2009-mi meeqqat atuarfiannit anisut, taamallu ukiumut atuarfiusussat eqqarsaatigalugit ikaarsaariarnermut ilaasut, annertuumik eqqorneqassasut, ilinniakkamik aallartitsinissaminut meeqqat atuarfianni nalunaaquttap akunneri pisariaqartitatik naammassisimassanngimmatigik.

Tamatumunnga ilutigitillugu 2008-mi ukioqatigiikkaat marluk meeqqat atuarfiannit anippata ilinniarfissanik pisariaqartitanik pissarsissunneqarsimassanngillat.

Oqallinnerup aallaavigaa Qeqertarsuarmi ajornartorsiutinik saqqummiussineq. Nalinginnaavoq atuartut 1.000-it missaat 11. klassip kingorna naammassisartut. Taamaalilluni 2008-mi atuartut 2.000-it missaat meeqqat atuarfiannit naammassissapput, ilinniarfissaat naammattut qulakkeerneqarsimanatik.

Atuartsinermi nalunaaquttap akunnerinik naammassinninnerat eqqarsaatigalugu atuartut 2008-mi meeqqat atuarfiannit naammassinnittut, 1992-imi inunngortut, kisimik pineqanngillat. Nalunaaquttap akunneri atuarfiusussat eqqarsaatigalugit atuartut 1993-imi inunngortut eqqorneqarnerisaassapput, taakkumi tassaapput meeqqat atuarfiannik naammassinnittut nalunaaquttap akunneri atuarfiusussat ikinnerpaat ingerlassimassammatigik. Ukioqatigiikkaat taakku atuartitaanermi akunnerit annaasaat 500-t missaanniipput, kiisalu taamani atualeqqaaramik børnehaveklassit inissisimallutik atualersut. Taamaammat tamatuma nassatarissavaa ukioqatigiikkaat taakku marluk meeqqat atuarfiannit naammassigunik atuaqatiminnut naleqqiullutik nalunaaquttap akunneri atuarfiusussat katillugit 1.200-t missaat annaasimassavaat. Ajornartorsiorfiusut taakku marluutit sulit atuupput, mannalutik illugit aaqqiissutissanik silatusaartunik iluarsisoqarani.

Qaanaaq kiisami nutaamik atuarfittaarpoq. Taamattaq Kangerlussuaq aamma Siorapaluk, ukiup atuarfiusup matuma ingerlanerani pitsaanerusunik periarfissaqalersut. Illutigut periarfissat atuarfippassuarnut sulit ajornartorsiutaaqaaq, atuartut ilinniarfissisullu amerlaqisut atuarfinni aserfallassimasuni ussiitsunilu Atuarfisisialaap siunertaanut tulluutinnigilluinnartuni atuarlutillu sulisariaqarlutik. Meeqqat atuarfianni sammisaqarsinnaanermut illutigut periarfissat sulit killiliisuupput, taamaalillunilu atuartutta pitsaanerusumik atugaqarlutik ilinniarnissaraluannik killiliillutik.

Pissutsit ilaat pingaarteqanngitsuunngitsut ilaat, sumiiffinni tamani kissaatigisatut ingerlannginnermut peqqutaasoq, tassalu naatsorsuutigisatut eqqartortakkat. Meeqqat atuarfianni pitsaassuseq pillugu apeqqutit saqqummaangata politikerit eqqartortuarpaat maanna Atuarfisisialak aallartereersoq, taamaalillunilu ajornartorsiutitsinnik tamanik qaangiinnaasoqartoq. Piffissamili kingullermi oqartalersimapput soorunami piffissaq ingerlaqqaassasoq.

Meeqqat atuarfianni aqutsisut ilinniarfissisullu amerlasuut ilisimaarilluarpaat 1. august 2003-p kingorna qanoq ingerlalnissamik naatsorsuutigisaasimasut naatsorsuutigiuaakkallu sulit eqquutsinneqanngitsut. Namminermit avatangiisinillu anersaakkut ilungersortitaaneq sulisorpassuarnut artorsaataasorujussuavoq. Pingaartumik artornarneruvoq pissutsit qanoq ilillugit allanngortinneqarnissaannut nammeneq sunniuteqarsinnaanani.

AG nr. 34-mi pingaarnertut allaaserisami allassimavoq meeqqat atuarfiat politikerit ingerlalluartausaartikkaat.

Pingaarnertut allaaserinnittup isumaasa ilarpassui IMAK'ip isumaqataaffigai. 2006-imut aningaasanut inatsisissatut siunnersuutip akuerineqarnissaa sioqqullugu Nunatsinni ilinniarfissaaneq qanoq ililluni qaffatsinneqarsinnaanersoq pillugu naalakkersuisut siulittaasuat oqaloqatiginiarsarigaluarparput. Ajoraluartumik oqaloqatigiinnermi ilinniarfissaanermut naalakkersuisoq neriorsuiinnarpoq upernaanerani ataatsimiinneq maajip naanerani naammassippat IMAK naapeqatiginiarlugu.

Allanngortitsinissap suliarineqarnerata nalaani politikerit meeqqat atuarfiat soqutigilluarpaat, maannali soqutiginnineq piffissaqartoqalerpat naapeqatigiinnissamik neriorsuinerinnarmut annikillismavoq.

Nunarput inatsisiliornerinnakkut pitsaasumik meeqqat atuarfeqalersinnaanngilaq. Meeqqat atuarfiat oqalliserineqartuartaqarpoq. Tamanna qulakkeerniarlugu siulersuisut suliaqartuassapput.

Ilinniartitsisunngorniarneq aamma Ilinniarfissuaq

2005-imi ukioq atuarfiusoq aallartimmat ilinniartitsisunngorniarneq allanngorpoq. Tamatuma nassataanik maanna ilinniartitsisunngorniaraanni ilisimatusarfimmit bacheloritut ilinniaqqaarsimasariaqarpoq. Ilinniarneq immi maannakkutut ukiuni sisamani suli sivilisussuseqarpoq.

Ilinniartitseriaatsip allanngortinnerata isumagaa kissaatigigaanni ilisimatusarfimmi ilinniarneq annertusarneqarsinnaasoq. Ilinnialernissamut piumasaqaatit sakkortusilarput, ilinniartitsisunngorniarneli pilerigineqarluarpoq. 2006-imi ukioq atuarfiusoq aallartimmat qitiusumi ilinniartitsisunngorniarni ilinniartut 56-it allartippat, najugaqarfillu qimannagu ilinnialersut 26-ullutik.

Ilinniartitaanerit marluut ingerlaasii ataani takutinneqarput:

Qitiusumik ilinniartitsisunngorniarneq:

Ilinniartitsisunngorniarnep aqqissuunera:

	Sammissaqarfik/fag	Perorsaanikkut sammisat	Praktik
1. sem.	Aallarnisaallu sammissaqarneq		Sap.ak.1
2. sem.	Sammissaqarfinni 4-ni	Perorsaanermut tunngasunik ilinniartitsineqarpoq	Sap.ak.4
3. sem.	tunngaviumik pikkorissarneq		
4. sem.	Sammissaqarfiit immikkut		Sap.ak. 6
5. sem.	toqqakkat marluk		Tamatigoortumik praktikkerneq
6. sem.	Sammissaqarfiit immikkut		
7. sem.	toqqakkat marluk		
8. sem.	Bacheloritut sammissaqarneq		

Qitiusumi ilinniartitsisunngorniarneq ukiuni tallimani sivilisussuseqarpoq. Najugaq qimannagu ilinniartitsisunngorniarneq august 2006-imi aallartittussa:

- Najugaqarfik qimannagu ilinniartitaaneq nutaaq
 - Ukiuni tallimani sivilissuseqarpoq
 - Qitiusumi ilinniartitsisunngorniarnertut imarisaaqatigut iluarsisaavoq, aqqissuunneqarnerali allaanerulluni.
 - Ukiut siulliit 3½ ungasianit ilinniarnertaqarpoq pikkorissariaarneqartarlunilu. Ukiut kingulliit 1½ Ilinniarfissuarmi ingerlanneqartarlutik
 - Piumasarineqarpoq ilinniartoq atuarfimmuut attuumassuteqassasoq, ilinniarnermilu saniatigut piffissap ilaani atuartitsusutut suliffeqassalluni
- Ilinniarnermut aqqissuussineq maanna suliarineqarpoq

Ilinniartitsisunngorniarneq pillugu isumasioqatigiit taamaatinnessaannik aalajangiisoqarneranik takusaqanngilagut, isumasioqatigiilli december 2004-mili ataatsimiissimangillat.

Ilinniartitsisunngorniarnep saniatigut Ilinniarfissuaq pikkorissartitsinernik sammisasaqartitsivoq.

Aasamut Ilinniarfissuarmut ilinniartitsisut nutaat 26-t soraarummiissapput.

Maanna Ilinniarfissuarmi qitiusumi ilinniartitsisunngorniartut 100-t sinneqalaarput, najugaqarfillu qimannagu ilinniartitsisunngorniat 20-t sinneqalaarlutik.

Inerisaavik

Siorna tusakkat malillugu Inerisaaviup siulersuisui qangatsiaq taamaatissimapput, Inerisaaviup inissisimanagera ilisimatusarfeqarneq pillugu inatsit malillugu immikkut sammisasaqarfinngorlugu suliffittut allanngortinnissaa Namminersornerullutik Oqartussat kissaatigimmassuk.

Taamaammat Inerisaaviup siulersuisui kingullermik ataatsimeeqatigiippu 2005-imi septembarip qaammataani. Inerisaavimmik soqutigisaqarfiit, tassalu IMAK aamma KANUKOKA kissaatigisimavaat ataatsimiittartoqatigiinni atuarfiup ineriartortinnera, ilinniutit ilinniartitsisunillu pikkorissartitsisarnerit pillugit isummatsinnik saqqummiussiffigisinnaasatsinnik pilersitsisoqassasoq.

Ataatsimiittartoqatigiit KIIP'ip aamma peqataaffigisaa pilersinneqareerpoq. Oqaatigisariaqarporli ataatsimiittartoqatigiit inatsisitigut tunngavissaqanngimmata, sulinitinni kaajallaasitat, nalunaarutit peqqussutillu innersuussutigisinnaasagut piginningsigit.

Piffissami qaangiuttumi Inerisaavimmik suleqateqarnerput pitsaasimaqaaq, suliniutit aallartissimasut aallartinneqartussallu pillugit akuttunngitsunik ataatsimiissinnaasaratta.

Atuarfimmuut assigiinngitsutigut ajornartorsiutit pillugit kiisalu Atuarfitaliaap tunngavii pillugit sapinngisamik pitsaanerpaamik atuutsitsilernissami siunnersortariaqartunut ilitsersortariaqartunullu aggilertorsinnaasunik pilersitsinissaq siorna IMAK'imi kissaatigaarput. Tamatumali piviusunngortinnissaa kattuffimmi ajornakusoortissimavarput, allaffeqarfiup sananeqarnera naatsorsuutigisatsinnit sivilisunerujussuusimammatt. Maanna Inerisaavik assingusumik pilersitsilerpoq, sammisani IMAK aamma KANUKOKA peqataatinniarneqarlutik.

Suliniutaasoq alla peqataaffigisimasarput tassaavoq 2005-ip ukiaani atuarfinni pisortat isumasioqatigiisinnerat, piffissaq suliffiusoq pillugu isumaqatigiissut kiisalu tamatigoortumik pilersaarusiortarneq peqataaffigisimallugu.

Suliniut alla aamma peqataaffigisarput sulisoqarneq pillugu inatsisilerinermik ukiamut pikkorissartitsineq, ingerlatsivinni pisortanik nunaqarfinnilu atuarfiit pisortaannik. Pikkorissarnerit marluk tamarmik immikkut ingerlanneqartussaapput. Sammisat ilaat Inerisaavimmi suliarisimasagut assersuutigalugit taatsialaaginnarpakka. Sammisat ataatsimoorussat suleqatigiissutigisinnaasagut amerlaqaat, aamma siunissami.

Inerisaavimmik qanimut suleqateqarsimanerput iluarisimaaqaarput, naliliinerput malillugu nunatsinni meeqqat atuarfiannut tamarmut iluaqutaasussatut pitsaasumik ineriartortoq.

Sumiginnaasarneq

Inuiaqatigiit avatangiissitsinniittut IMAK'ip suleqatigiussavai, aamma meeqqat sumiginnagaasut pillugit ajornartorsiutit pineqartillugit. Ajoraluartumik ilisimavarput nunatsinni meeqqat sumiginnagaasut amerlavallaartut. Qujanartumik sammisaq paqumigineqartoq tusagassiuutini, innuttaasut minnerunngitsumillu politikerit akornanni ammasumik eqqartorneqartalerpoq, tamannali naammannerpa? Isumaqarpugut iliuuseqartoqartariaqartoq. Suli misigiuarparput meeraq ikiortariaqartoq pillugu ilinniartitsisoq inunnik isumaginnittoqarfimmu saaffiginnikkaangat ikiuuttoqartanngitsoq. Meeqqat timikkut tarnikkullu ikiortariaqartut takujuarpagut, ikiuiartortoqartaranili. Isumalluutit suliaqarfiit akimorlugit peqatigiilluta atorsinnaasagut sakkugalugit meeqqat inuusuttuaqqallu ataatsimoorluta ikiortariaqarpagut.

2005-ip ukiaani meeqqat sumiginnagaasut pillugit suleqatigiissitaliortoqarpoq. Suleqatigiissitami sinniisuutitaqarput peqqissutsimut pisortaqarfik, KIIP, KANUKOKA, PIP aamma IMAK. IMAK'ip siulersuisoqarfianeersoq Esther Rosing suleqatigiissitami peqataavoq. Siunniunneqarpoq suleqatigiissitaq 2005-imi 15. septembarimit decembarip naaneranut sulisinneqassasoq, taassuma kingorna makku tungaasigut iliuusissatut pilersaarummik saqqummiussissallutik:

1. Maannakkorpiaq suliassat
2. Piffissami qaninnerusumi suliassat
3. Piffissami siusinnerusumi suliassat

Eqqarsaatersuutit pingasut suleqatigiissitat aallavigisassaat:

1. Aningaasat pigineqareersut
2. Aningaasat nuunneqarsimasut
3. Immikkut aningaasaliinerit

Qinersineq peqqutigalugu suleqatigiissitat siunissaat pillugu nalorninartorsiortoqalerpoq, taamaammat ataatsimiinneq siulleq aatsaat pivoq 2. nov. 2005. Suleqatigiissitat ataanni inuit susasaqartut peqataaffigisaannik suleqatigiissitaliortoqarpoq. Meeqqat atugaat pitsanngorsarniarlugit kommunini suliniutit ingerlanneqartut pillugit piffissap ingerlanerani killiffiliisoqarpoq, siunissamilu suliniutissat pillugit isumassarsiarpassuarnik takkuttoqarluni.

Suliniutit maanna suleqatigiissitat isumagisat pillugit killiffiliinerup nassuiaanerullu saniatigut suliniutinik iluarsinissaq angumerinngilaat, piffissamut qaninnermut ungasinnerusumulluunniit. Tamakkuli nalunaarsorneqarput. Suleqatigiissitat angusaat isumassarsiatut nalunaarsuiffittut suliarineqarput.

Suleqatigiissitat aqutsisoqatigiinnut inassutigisaat makkuupput:

1. Suleqatigiissitat maannakkorpiaq suliniutaat aqutsisoqatigiinni eqqartorneqassapput naalakkersuisuni politikikkut sammeneqarnissaat siunertaralugu
2. Siunnersuutit suliareqqinneqarnerat Ilaqutariinnermut Pisorta qarfirmmit aqunneqassaaq.
3. Piffissamut qaninnerusumut ungasinnerusumullu suliniutit allaffissornikkut suleqatigiissitanit nassuiarneqassapput KIIIP, Peqqissutsimut Pisorta qarfik aamma Ilaqutariinnermut Pisorta qarfik akimorlugit naalakkersuisunut saqqummiussassanngortussaallutik.
4. Ilasutitut aningaasaliissutissatut qinnuteqaat Ilaqutariinnermut PISOARTA qarfirmmit suliarineqassaaq Ilaqutariinnermut Inatsisilerinermullu naalakkersuisumit kiisalu Peqqissutsimut Avatangiisinullu naalakkersuisumit atsiorneqartussanngorlugu.
5. Immikkoorto qarfiit akimorlugit ata qatigiissaarisoqatigiinnik pilersitsisoqassasoq.

Isumassarsiatut nalunaarsuiffimmi suliniutaasinnaasut makkuupput:

1. Meeqqat, inuusuttuaqqat ilaqutariillu pillugit immikkoorto qarfiit akimorlugit ataavartumik ata qatigiissaarisoqatigiiliorneq
2. Sumiginnaaneriit suneri annertussusiilu pillugit nalunaarsuineq
3. Kinguaassiuutitigut innarliinerit aamma timikkut/tarnikkut angutaaserfiginninneq qunusiarinninnerlu akiornissaat pillugit ilitersuusiorneq
4. Kinaassuseq oqaatiginagu ilaqutariittut siunnersorneqarneq
5. Meeqqat inuusuttuaqqallu sumiginnagaasut pillugit pikkorissartitsisarnerit
6. Sulia qarfiit akimorlugit suleqatigiinneq
7. Aningaasaliissutissatut tunngavissanik akimmisaarutaasut tungaasigut inatsisitigut periarfissat / immikkut akuersisarnissamik periarfissat
8. Namminersornerusut aningaasalersugaannik misiligutitut meeqqanut inuusuttuaqqanullu oqqisarfissat
9. Sumiiffikkaani imigassamik aanngajaarniutinillu atonerluinnermut katsorsaasarfiit

2. SULIA QARFINNUT TUNNGASUT

Piffissaq suliffiusussaq pillugu isumaqatigiissut

Piffissaq suliffiusussaq pillugu isumaqatigiissut nutaaq atorlugu ukiut atuarfiusut aappasaat ingerlatilerparput. Piffissaq suliffiusussaq pillugu isumaqatigiissummi arlalinnik ajornartorsiutitaqarpoq isumaqatigiissummi siunertanut tulluuppallaanngitsunik. Nalunaaquttap akunnerisa amerlassusiat pillugu suli paatsiveerusimaartoqartarpoq, piffissaq atuartitsiffiusoq eqqartoraangatsigu sapaatit akunnerannut suliffiusussatut amerlanerit suli najoqqutarisarmassuk. Isuma qarpuq tamatumunnga pequtaasoq skemalioriaaseq sapaatit akunnerannut suliffiusussat tunngavigalugit suliarineqarsimammat, tamannalu ukiumut suliffiusussamut allanngortinnissaa ajornakusoorutigineqarsimalluni. Tamatuma kinguneraa atuarfiit amerlavallaartut sapaatit akunnerannut skemanik ukioq kaajallallugu assigiissunik suli pilersaarusiortarnerat.

Suleqatigiinnermut ataatsimiititaliat

Suleqatigiinnermut ataatsimiititaliat ilinniartitsisut aqutsisullu atuarfinni qanoq atugaqarnerannut sunnuteqartorujussuupput. Suli misigiuarparput atuarfinni amerlavallaani suleqatigiinnermut ataatsimiititaliamik ingerlatsiniarneq suli ajornartorsiutaasoq. Qujanartumik atuarfinni suleqatigiinnermut ataatsimiititaliat amerliartuinnartut ingerlanneqarput, qularutissaanngilarli ukiuni takkuttussani tamanna suli sammeneqartussaasoq.

Nunani allani misissuinerit takutippaat puullaagineq napparsimalluni sulinnngitsuukulaarnernut sulisullu taarseraakulaarnernut attuumassuteqartorujussuaq. Tamatumani suleqatigiinnermut ataatsimiititaliat sulisoqarnermut politikkinik sulisut iluarisimaarinninnerisa qaffassarnissaannut atuutsitsilernissaat pingaaruteqarluinnarput.

Suleqatigiinnermut ataatsimiititaliat pillugit quppersagaq siorna sinniisoqarfiup ataatsimiinnerani naqiterneqartussatut neriorsuutigisarpup naqiterneqarnissaminut qangatsiarli piareersimavoq. Taamaattorli akissarsiat pillugit isumaqatigiinniarnissatta naammassinnaanut naqiterneqarnissaa utaqqisinniarlugu aalajangerpugut, taakkununga atatillugu iluarsiiisoqarsinnaanera sillimaffiginiarlugu.

Feriarnerni angalanernut aningaasaateqarfiit

Lærernes Ferierejsefonden-imi siulersuisunut ilaasortaq Niels Egede Høegh, Narsaq, sinerissami allamut nuunnini peqqutigalugu siulersuisunit tunuarpoq, siulersuisunut ilaasortanngorluni Sussi Adelholm, Qaqortoq.

Ukiuni feriarfusumi 2005-imi Ferierejsefonden 27,7 mio. kr. sinnilaarlugit tapiissuteqarpoq.

Maannakkuugallartoq Ferierejsefonden ukiumut feriarfusumut 2006-imut 2,8 mio. kr. missaannik tapiissuteqareerpoq, misilittakkavulli malillugit kingusinaartumik qinnuteqartoqartuortoq ilisimagatsigu aningaasaateqarfiup siulersuisuisa naatsorsuutigaat ukioq manna amerlanerusunik tapiissuteqassallutik.

Aningaasaateqarfiup siulersuisui aamma ukioq manna feriarnermi angalanernut tapiissuteqarnissamut mianersortumik politikkeqarput, misilittakkagut malillugit kingusinaartumik qinnuteqaatit pissarsiarineqartuarmata.

Lærernes Ferierejsefond ukiumi naatsorsuiffiusumi 2004/2005-imi sinneqartooruteqarpoq kr. 478.094, tamatumunnga pequtaanerulluni 2003-mut isumaqatigiinniarnernut atatillugu sulisitsisut akiliutaat amerlisimanerat, kiisalu ukiuni feriarfusuni kingullerni bilitsit akitsoriartorsimanninnerat.

Ukiuni tulliuttuni bilitsit akii qanoq inissisimassanersut siulittuutigiuminaappoq, unammillertuusumik angalatitsiveqalersimammatt, ilutigitillugulu nunarsuarmit niueqatigiinnermi orsussaak akitsoriartorluni.

Timelærernes Ferierejsefond ukioq manna perngaammik angalanernut Atuartitsisut-nit qinnuteqartunut tapiissuteqassaaq. Siulersuisut aalajangerput qinnuteqartut sivisunermik sulisimasut tapiiffigissallugit, aningaasaateqarfiup qinnuteqartut tamaasa tapiiffigisinnaanngimmagit. Qinnuteqartut ataasiakkaat 70'ikkulli aallartinnerannit

sulilersimapput. Ilaqutariit 15-it tapiiffigineqarput, taakkunanga sulilersut kingulliit 1995-imeersuullutik.

Misigisimavarput inuit aningaasaateqarfimmit tapiiffigineqarsimasut nuannaarutiginnillutillu qujamasuttorujussuusartut.

Sullivimmi atukkat

Sullivimmi atukkat pillugit inatsit 1986-imeersoq kiisami nutarterneqarpoq, inatsit nutartigaq taamaalilluni 1. januar 2006 atuutsinneqalerluni.

Inatsimmut qangarnisamut naleqqiullugu allannguutaanersaapput suliffigissaasunut ilaasortat katiterneqarnerat, sullivimmik naliliisarnernut piumasagaatit kiisalu piffissaq qasuersaarfiusussaq aamma ulloq unuarlu sulinngiffeqarnissamik aalajangersakkat.

Nutaartat ilagaat sullivimmik naliliisarnernup (APV) atuutsilerneqarnera, inatsimmi aalajangersagaammat suliffeqarfiit tamarmik qulinik sinnerlugilluunniit sulisullit 2008-mit APV-mik suliaqartassasut. Suliffinnut minnernut aamma atuutsinneqassanersoq sulii aalajangiunneqanngilaq.

Suliffinnut minnernut aamma atuutsinneqarnissaa IMAK'ip sakkortuumik tapersersorpaa, misilittakkat takutimassuk nunaqarfinni atuarfinni minnerni amerlasuuni sullivimmi timikkut anersaakkullu atukkat pitsaanerusinnaammata.

Sullivimmik naliliisarneq sullivimmi atukkat pitsaanerulersinniarlugit sutigut immikkut iliuuseqarnissamik paasinninnisamut sakkussaalluarpoq. Tamattami nalunngilarput ilinniartitsisunik /pisortanik nutaanik sulisussarsiornermi minnerunngitsumillu sulisooreersut sulisoriinnarnissaannut sullivimmi atukkat qanoq pingaartigisut. Taamaammat ilinniartitsisut pisortallu sullivimmi atugaat meeqqat atuarfianni pitsaassutsimut taamallu atuartut ilikkarniarnissaannut pingaaruteqarluarpoq.

Manna tikillugu sinniisoq isumannaallisaanermut sinniisaavoq, taamallu ingerlagallassalluni 1. august 2007 tikillugu.

Taassuma kingorna immikkut qinersisoqartalissaaq, taamaalilluni sinniisoqarneq pillugu isumaqatigiissummi malittarisassat IMAK'illu aalajangersagai malillugit sinniisoq qinerneqartassalluni, isumannaallisaanermut sinniisoq sullivimmi atukkat pillugit inatsimmi malittarisassat malillugit qinerneqartassalluni.

Isumannaallisaanermut sinniisumik qinersinermi sulisut aqutsisutut akisussaaffeqartut qinigaasinnaanngillat. Taamaattorli sinniisumik qinersinermi sulii peqataasartussaallutik.

Piffissaq qasuersaarfiusussaq pillugu malittarisassat aammalu ulloq unuarlu sulinngiffeqarnissaq pillugu malittarisassat pingaarutilitsigut nutartersimapput. Assersuutigalugu ulloq unuarlu angalaneq 1. januar 2006-imit sulinertut isigineqalerpoq. Tamanna pikkorissarnissat, aallaarsimaarnissat, paasisassarsiorluni angalanissat il.il. pilersaarusiornernut pingaaruteqalissaaq. Malittarisassatut pingaarnertut sulisut tamarmik piffissani ulloq unuarlu 7-it tamaasa iluanni sapaatit akunnikkaartumik ulloq unuarlu sulinngiffeqartassapput. Taamattaq piffissani nal.ak. 24-ikkaartut iluini tamani kikkut tamarmik sivikinnerpaamik ataavartumik nal.ak. 11-ni qasuersaarfeqartassapput.

Pissutsinili allatut ittuni taassuma avaqqunneqarsinnaanera periarfissinneqarpoq. IMAK'ip sammisaani taama avaqquassinissamut IMAK aamma Namminersorerullutik Oqartussat tamanna pillugu isumaqatigiissusiortoqarsimanissaat piumasagaataavoq. Isumaqatigiinniarnertit taamaattut

maannakkorpiaq ingerlanneqarput, neriunarporlu piaartumik isumaqatigiittoqassasoq suliffinni tamakku pilersaarusiorneqarsinnaassammata.

Siusinnerusukkut suliffigissaasuni IMAK sinniisoqarnngilaq, maannali P.I.P. – perorsaasut ilinniarsimasut peqatigiiffiat – aamma PK – peqqissaasut kattuffiat – peqatigalugit sinniisumik toqqaasoqartussaavoq. Allatut sinniisoqarnissaa IMAK’ip kissaatigigaluarsimavaa, ajoraluartumik iluatsinngitsumik.

Taamaakkaluartoq apeqquterpassuit pillugit kattuffiit allat ulluinnarni suleqatigaavut, suliffigissaanerlu pillugu inatsisip tungaatigut il.il. assigiinngitsunik ajornartorsiuteqartussaagaluarluta immitsinnut sinniisuuffigilerutta qanimut suleqatigiinnissarput piareersimaffigaarput.

Ilaasortat ukiunut sisamanut toqqarneqartarput, piffissamilu siullermi IMAK’ip kattuffiit pingasuusut sinniisuuffigissavai. Taamattaq IMAK siulittaasumut naalackersuisut toqqagaannut sinniisussatut toqqarneqarpoq.

P.I.P. aamma PK-mik isumaqatigiinneq malillugu suliffigissaasuni ilaasortaaffik ilaatigut sullivimmi tarnikkut atukkat pillugit qitiutitsinerunissamat atorneqassaaq.

Ajoraluartumik ilaasortat amerliartuinnartut saaffiginnissutigisartagaat sullivimmi tarnikkut atukkanik aallaaveqarput – ilaat ima kingusitsigisukkut saaffiginnittarput naammaginartunik aaqqiissutissaarutereertarluni. Ataasiakkaanut sulineq ima ilungersornarsilersimatigisarpoq, allatut ajornartumik soraarniuteqartariaqartarlutik.

Pineqartunut sulilu sulinnartunut inissisimaneq alianartumik kipiluttunartorujussuaq.

Piffissami kingullermi atuarfiit nutaat sananeqarsimapput allat iluarsartuunneqarlutik, sulili sumiiffinni amerlavallaani illutigut periarfissat ajorluinnartuupput. Sumiiffiit ilaanni inini atuarfiusuni atuartut ima amerlatigisarput timikkut ’aporaanneq’ pinngitsoorneqarsinnaasarani. Taamattaq atuartsinerup pilersaarusiorneqarneranut sunniuteqarnerluttarpoq, atuartut ataasiakkaat pisariaqartitaat aallaavigalugit atuartsineq pisinnaakkajunngimmat, uffa ukioqatigiikkaat arlallit atuaqatigiisittarneri pineqaraluartut.

Atuarfeqarfik pillugu immikkoortumi taaneqareersutut ilinniartitsisut sulinngitsoortarnerat ukiup atuarfiusup matuma ingerlanerani marlussoriarluni oqallisaasimavoq, kingullermik Demokraatinit Palle Christiansenip Inatsisartuni siunnersuutigimmagu atuartut atuannitsoortarnerat ilinniartitsisullu sulinngitsoortarnerat pillugu tamanut saqqummiussisoqassasoq.

Atorfinitsitsisarnermi akisussaaffik kommuninut nuunneqarneranut atatillugu sunniuteqaqataanissaq suleqatigiinnissarlu pillugit isumaqatigiissusiorpugut. Pitsaasumik suleqatigiinneq namminerlu sulinermut akisussaassuseqarneq ilinniartitsisut atuarfimmi atugarissaarnerinut pingaaruteqartorujussuuvoq. Suleqatigiinnermut ataatsimiititaliat aqutsisullu isumaat sullivimmi atukkanut pitsaasunut sunniuteqarluinnarpoq. Ilisimavarput ilinniartitsisut arlallit napparsimallutik suliunnaarallarsimasut, sullivimmi tarnikkut atukkat pitsaanngitsut peqqtigerpiarlugit. Aammattaq ilisimavarput ilinniartitsisut amerlasuut nuuttartut atuarfimmi suliffigilerusullugu toqqaraluakkaminni atugarliulersimagamik. Pissutsit taamaattut ilinniartitsisut sulinngitsoortarnerannut napparsimasarnerannullu malunnaqutaasutut soorunami sunniuteqarput.

Uagutsinnut pingaaruteqarpoq kikkut tamarmik ataqqillugit pineqarnissaat. Napparsimakulaarnerit atuarfinnillu allamit allamut nussornerujussuit arlaatigut iluarsiiisoqartariaqarneranut ersiutaapput. Ajornartorsiut ilumoorunneqartariaqartoq. Ilinniartitsisut pitsaanerpaamik periarfissaqarnissaat kissaatigaarput, suliaqarfitsigut inuttullu ineriartornissaannik periarfissillugit. Tamanna aatsaat pisinnaavoq ajornartorsiutinngortut pillugit tamanut iluaqutaasumik aaqqiissutissanik nassaarnissamut sulisitsisut sulisullu piviusorsioortumik iluaqutaasumillu oqaloqatigiinnissamut periarfissinneqarpata. Taamaammat atuarfiit sulisussarsioraangamik imminnut ilisaritinnerminni unneqqarinnissaat ammasuunissaallu pingaaruteqarpoq. Tamanna pisinnaavoq sammisat arlallit pillugit suleriaatsinik nalunaarsuisimagaanni tamakkulu malillugit. Sulisoqarnermut politikki malunnartuusariaqarpoq.

Ilinniartitsisut sulinngitsoortarnerat pillugu oqallinnermut peqqutaanersaavoq suliffimmik iluarinnernerup apeqqutaalluinnarnera. Kialuunniit ilisimanngilaa ilinniartitsisut sammisaqarfinnut allanut naleqqiullugit sulinngitsuukulaarnerusut. Ilinniartitsisut sulinngitsoortarnerat eqqarsaatigigaanni, napparsimanagerat imaluunniit ilinniartitsisut allamiillutik suliameinnik isumagininnerat immikkoortinneqakkajunngillat. Tusagassioortut, kigutit nakorsaat, fuldmægtigit il.il. pikkorissartut imaluunniit atorfinninnut atatillugu angalasut sulinngitsoortutut nalunaarsorneqartanngillat!

Ilinniartitsisut sulinngitsoortarnerat tamanut saqqummiutiinnarlugu pissutsinik iluarsiiisutaanaviannigilaq. Nunatsinni aalakoornartulimmik imerajuttut nalunaarsuinnarlugit imerajuttunik ikilisisinaviannigilaq. Ilinniartitsisut sulinngitsoortarnerat tamanut saqqummiukkaluaraanni sulinngitsoortarnerut ikilisaataanaviannigilaq. Napparsimaneq arlaannut malunniutaavoq. Pissutsit iluarsiniraanni peqqutaasut paasiniartariaqarput, taannalu aallaavigalugu suliarinneq aallartillugu. Kukkussutit nassaarissallugit APV sakkussaavoq pitsaasoq, taamaalereerpallu iliuusissatut pilersaarusiortuluni malillugulu. Kikkut tamarmik iluarinninnissaannut sullivimmi atukkat pitsaasut pingaaruteqaqaat, aamma atuarfinni.

Erseqqissaatigeqqinneqassaaq qularutissaanngimmat suliffeqarfinni ataasiakkaani suleqatigiinnerulernikkut sullivimmi atukkat pitsaanerujussuanngorsinnaammata. Tassanissaq suleqatigiinnermut ataatsimiititaliaq pingaaruteqarlunnartutut inissisimavoq, aammali pitsaasumik ilisarinnitsitseriaatsit, atorfik pillugu nassuiaatit erseqqissut, suliassat akisussaaffiillu il.il. nassuiaatiginissaat pisariaqarput. Kikkut tamarmik sullivimmi atukkatigut peqqissuunissaq isumannaatsuunissarlu peqataaffigissallugu pisussaaffigaat. Sinniisooq /isumannaallisaanermut sinniisut sullivimmi pitsaasunik atugaqarnissamut immikkut pisussaaffeqarput, inatsisilli malillugit sulisut isumannaallisaaffiginissaat peqqissuunissaallu aqutsisut akisussaaffigaat.

Soraarnerussutisiaqarfinnut tunngasut – PFA – LP

Nunatsinni Naalakkersuisut qallunaallu naalakkersuisui soraarnerussutisiaqarnissamut akiliutit nunatsinni soraarnerussutisiaqarfinnut nuunnissaat pillugu isumaqatigiissuteqarsimapput.

Isumaqatigiissut taanna tunngavigalugu tamanut naammaginartumik iluarsiinissaq siunertaralugu arlaleriarluta oqaloqatiginnittarsimavugut, qulakkearniarlugulu aningaasaleeriaatsimik periuseq suliffeqarfimmi suleqatigiligassatsinni sunnuteqartussanngorluta.

Aaqqiissutaasinnaasut pingasut misissuataarsimavagut:

1. Nunatsinni Ilinniartitsisoq Soraarneq (Lærernes Pension) aallartinneqassasoq
2. PFA Soraarneq-mik suleqateqalernissaq
3. SISA-mik suleqateqalernissaq

Aaqqiissutaasinnaasooq 1 eqqarsaatigalugu Danmarkimi Lærernes Pension arlaleriartumik oqaloqatigisimavarput. Kisiannili Lærernes Pension isumaqarpoq, ullumikkut siunissamullu akiliutigisartakkagut ima ikitsigimmata ingerlatseqatigiiffimmik namminersortumik pilersitsinissamut aningaasaqarnikkut annikippallaamik tunngaviussasut. Soraarnerussutisiaqarfinnik sammisaqartut isumaqarput ingerlatseqatigiiffimmik namminersortumik aallartitsissagaanni ukiumut akiliutigisartakkat 300 mio. kr. sinnersimasariaqaraat. Taammaattumik Lærernes Pension-ip ingerlatseqatigiiffimmik namminersortumik taamaattumik aallartitsinissaq inassutigisinnaanngilaa.

Aaqqiissutissamik akuerisinnaasatsinnik nassaarniarluta PFA Soraarneq aamma PFA Danmark oqaloqatigaagut. PFA Soraarneq makkunaneersunik siulersuisoqarpoq; PFA Danmarkimit, Kalaallit Nunaanni sulisartunit kiisalu Kalaallit Nunaanni sulisitsisunit. Kisiannili PFA Soraarneq-up siulersuisunut ilaasortaaffeqartikkusunngilaatigut. Ajornartorsiut tamanna Lærernes Pension aamma PFA Danmarkimut saqqummiupparput. Ataatsimeeqattaareernermi september 2005-imi PFA Danmark PFA Soraarneq-mi siulersuisunut ilaasortanngornissarput neriorsuutigaa. Ingerlatseqatigiiffiup malittarisassaasa allanngortinneqarnissaat kissaatigineqanngimmat, tamanna PFA Danmarkip siulersuisunut ilaasortaaffiup aappaata pissarsiarineratigut iluatsittussaavoq. Isumaqatigiissut taanna 2005-ip ukiaata ingerlanerani aaqqinneqartussaagaluarpoq. Isumaqatigiissut iluarsiniarlugu PFA Danmark-ip pisortami ilaat Nunatsinnukartikkusuppaat.

Utaqqigaluaratta utaqqigaluaratta. PFA Danmarkip nunatsinnukartitsinissani kinguarateqattaartuarpaa. Aatsaat 2006-imi apriilip aallartinnerani PFA Danmark sianerpoq, ilisimatitsillunilu siulersuisunut ilaasortaaffissamik neqerooruteqarnertik taamaatiinnarsimallugu. Tamatumunnga tunngavigitinneqarpoq Lærernes Pension Danmarkimi soraarnerussutisiaqarfinnik allanik suleqatigiinnissamut isumaqatigiissusiorsimasooq. Taamaalilluni iluarsiissutissaagaluq aamma maangaannarpoq.

Aaqqiissutaasinnaasut pingajuat eqqarsaatigalugu 2005-imi upernaakkut aallartisarparput. Isumaqatigiippugut 2005-imi juulip qaammataani naatsorsueqqissaarisartuinik naapeqateqaaqqissasugut. SISAp Danmarkimi sulisuinik ataatsimeeqateqarpugut, neriorsuippullu piunasaqaatigut pillugit uterfigeqqissalluta. August 2005-imi SISA nalunaarpoq soraarnerussutisiaqarfimmi siulersuisunut ilaasortaaffissamik nersiorsorsinnaanata. Taamaammatt PFA Soraarneq aallulluaannalerparput.

Maanna isumaqatigiissuteqarfigisatsinni isumaqatigiissutitigut pisinnaatitaaffigut malillugit soraarnerussutisiaqarfinnut periarfissat allat nassaarniarlugit aallartippugut. Neriorsorneqarsimanigut eqqarsaatigigaanni soorunami tamanna pitsaanngilaq.

3. AAQISSUUSSINERMUT TUNNGASUT

Kattuffik

Kattuffik sammisani assigiingitsut aqutugalugit suliaqarpoq.

Piffissami qaangiuttumi atorfiit nutaat pillugit arlalinnik isumaqatigiissusiorpugut akissarsiatigullu isumaqatigiissuteqarluta, kommunini aamma Namminersornerusuni.

Kattuffimmi suleqateqarpugut akuttunngitsunik ataatsimeeqatigisartakkatsinnik, nunatsinni suliaqarfitsigut kattuffiusut, soorlu Danmarks Lærereforening, de Nordiske Lærerorganisationers Samråd, Inerisaavik, Namminersornerusuni pisortaqaarfiit, Nunatsinni politikikkut sammisaqaarfiit, Ilinniarfissuaq kiisalu KANUKOKA. Soorunami aamma ilaasortat ataatsimiisittarnerisigut.

Sammissat ilaat ataatsimiinnikkut isumagineqartarput, allat allaffeqatigiinnikkut.

Piffissap ingerlanerani aamma meeqqat sumiginnagaasut pillugit suleqatigiissitanut peqataatinneqarpugut kiisalu inuiaqatigiit peqqissuunissaat pillugu kiisalu suliffigissaanermi isumasioqatigiinnerni peqataasarsimalluta. Maannalu aamma suliffigissaasunut ilaasortaataqalerpugut.

Sammissat ilaat radiokkut tv-kkullu toqqaannartumik aallakaatitsinikkut peqataaffigisarpagut. Oqallinnermi sapinngisamik akuliukkusuppugut, aamma tusagassiutitigut naqitatigut.

Allangortiterineq

Ukiut marlussuit matuma siorna siulersuisut aalajangerput allaffeqaarfippat allangortisarneqassasoq.

Allangortiterinissamat pequtaavoq qaliaq ussiissorujussuummat, siallileraangallu siparnerpassuarnik ilioqqaasariaqartarluta. Ussiinnerit ilassutaata torsuusaaniippat isaariamilu. Erngup ajoqusigai takussaallualersimapput, ilassutaasumi torsuusami allaffiillu qilaavini kiisalu isaariami. Pissutsit tamakku kingunerilersimavaat ilassutaasumi ilaanneeriarluta qulliit ikissinnaanagit innaallagissap ajortinnissaa aarlerinarsisarmat.

Allangortiterinissaq pillugu aalajanginnginnermi illu ilisimasalimmut misissortipparput, taassumalu nalilerpaa qaliap qalliutaasa taarsernissaat kiisalu ilassutaasup isaariallu nutaamik qalialenissaat 700.000,00 kr.-t missaannik akeqassasut. Naliliisartoq nalilersuitipparput ilassutaasoq qallerlugu ilassaguni isaarissallu allangortisarnissaa qanoq akeqassanersut. Naliliivoq 1,2 – 1,3 mio. kronit missaannik akeqassasoq. Siulersuisut naliliippat ilassutaasoq qaavatigut qallerlugu alliliinissaq pitsaanerussasoq, ukiualuit qaangiuppata taama ajornartorsiuteqaqqilernissaq pinngitsoorniarlugu. Illu tamarluinnaat iluarsartuunneqaruni illup nalinga aamma qaffangaatsiartussaavoq.

Suliarinnittussarsiuussereernerme siorna augustimi sanasumik isumaqatigiissut atsiorparput. Isumaqatigiissut 1,3 mio. kr.-t missaannik naleqarpoq. Sanaartorneq septembarip qeqqani aallartittussaavoq, 2005-imimilu uge 48-mi naammassisussaalluni. Sanaartorneq sioqqullugu

nalaanilu ingeniørit suliffeqarfiat sanaartornermik nakkutilliisussatut attartorparput, pitsaassutsimik qulakkeerinnittussaq isumaqatigiissutillu eqquutsinnissaanik nakkutiginnittussaq.

Sunaaffa taamaassanngitsoq. Pissutsit arlallit peqcutigalugit sanaartorneq kinguaattoorpoq.

Sanaartornerup aallartinnginnerani ilisimatinneqarpugut sanaartornerup nalaani allaffiit nuuttariaqanngitsut imaluunniit allamik inissarsiortariaqanngitsugut.

Kinguaattoornermut siullermut peqcutaavoq igaalaat Danmarkimit piffissaq eqqorlugu nassiunneqannginnerat. Taamaammatt illup tunniunneqarnisaa 31. decembarimut kinguartinneqarpoq. Tamanna peqcutigalugu ilagaat aatsaat juullereersoq ukiortaareersorlu ikkussuunneqarput. Tunniussinissamik piffissaliussaq 31. januarimut kinguardeqqinneqarpoq. Illup inissiarata iluarsartuullugu aallartinneqarpoq tallimannorneq 13. januar, ilisimatinneqarpugullu aaqquissuussineq sapaatit akunnerata ataatsip missaanik sivisussuseqassasoq. Sapaatit akunnerat qaangiutilersoq ilisimatinneqarpugut sanasup kissaatigigaa inissiap naammassinissaa sapaatit akunneranik ataatsimik kinguardeqqikkusullugu. Sapaatit akunnerat qaangiummat inissiarata suli naammassinneqanngilaq. Sapaatit akunneranik kinguartitseqqinneq. Inissiamut pujoralaqisumut iserteqqinneq pivoq tallimannornermi 3. februar. Sanasup naatsorsuutigaa quleriit allersaat ullut 14-it ingerlanerini naammassinnaasoq. Ullut 14-it qaangiummata sanaartorneq naammasseqqajannngilaq. Februari qaammat naalersoq allaffik pujoralappallaqimmat tukappallaqimmallu qimapparput, oktobari qaammataagaali taamaattuarsimammatt akuerisinnaajunnaaratsigu. Tamanna sullivimmi anersaakkut timikkullu atukkatsinnut sunniuteqarlunnarpoq. Illup tunniunneqarnissaa marsip 15-ianut kinguardeqqinniarlugu sanasup kissateqarpoq. Ulloq 15. marts sanaartorneq suli naammasseqqajannngilaq. Ulloq taanna aallarnerfigalugu ullormut pillaatitut akiligassiisarneq aallartippoq. Piffissap taassuma ingerlanerani tamatta immikkut angerlarsimaffitsinni sulisarpugut, piffissanilu isumaqatigiiffigisatsinni naapeqatigiittarluta. Tamanna naammagarunnaarmatt angerlarsiaffiup ilaani allaffeqarfittaarallarpugut, siulittaasup nerrivia allaffiliullugu. Apriilip aallartinissaa tikillugu taama allaffeqarpugut. Apriili aallartimmat ataatsimiittarfitsinnut nutsersinnaanngorpugut. Illup sinnera atortorissaarutinik atortunillu assigiinngitsunik ulikkaarpoq.

Apriili naalersoq kiisami allaffinnut ilaannakortumik nutserpugut, suli sanaffigineqarluni tukakkaluartoq. Majip qaammataa aallartimmat oqarasuaatit atornerqalerput.

Isumarput malillugu sanaartornerup kinguaattoorneranut pissutsit pingarnerit pingasut peqcutaapput.

Siullertut pilersaarut sukumiisumik nassuiarluarneqarsimannngilaq, taamaalilluni titartakkat atortullu malillugit suliassat qanoq ingerlatissanerlugit sanasut takusinnaajuannnginnamikku. Pisuni allani sanaartortitsinermi aqutsisut titartagaat suliassanut isumagissannut tulluuttarsimannngillat.

Tulliatut sanaartornermik aqutsisut sanaartortorlu suliassat aalajangersimasut suliarineqarnissaanni annikippallaamik attaveqartarsimapput. Tamatuma nassataraa sanaartornermik aqutsisut sukumiisumik titartaasitsarsimanagerat, sunaaffa sanasup atorsinnaanngisai, ilaatigut kingusinaartumik tunniunneqartarmata imaluunniit kukkusumik suliarineqarsimasarlutik. Sanaartornermik aqutsisup sanaartorfimmi piffissaq atugaa

killilerujussuusimavoq, sanaartornermik aqutsisup suliassat allarpassuarnut tunngasut pingaartinnerusarsimmagit. Tamanna soorunami uagutsinnut nuanniitsumik kinguneqarsimavoq, sanaartornermik aqutsisoq qanimut attaveqarfigisinnaasarsimanginnatsigu.

Ajornartorsiutit pingajuat sanaartorfimmi aamma pitsaanngitsumik sunniuteqarsimavoq; sanaartorfimmi nakkutilliinerup aqutsinerullu amigaataanerat. Sanaartorneq aallartimmat sanasoq neriorsuivoq, sanasut 5-7-it piffissaq tamaat sulisassasut. Sanaartorneq tamakkerlugu taamaallaat sapaatip akunnerani ataatsimi taamaattoqarpoq. Piffissap ingerlanerani sanasup sulisuni ikiliskkiartuaarsimavai, qularutiginnigilarpullu sanaartornerup sukkassusianut aamma tamanna annertuumik sunniuteqartoq. Piffissap sivisunersaani sanasut pingasuusarsimapput, ilaanni ataatsimik ilanngartarlutik ilasarlutilluunniit. Sanaartorneq torinngissimaqaaq, tassami arlaat aallartikkaluarlugu sulilu aallartissimasaaq naammassinngitsoq suliassap tullianut nuuttarsimanerisigut. Aatsaat naggataatigut iluarsipajaarput. Suliassat ilaat ataasiakkaat qaqugukkut iluarsineqassanersut pillugit isumaqatigiissutigut sanasup eqquutsissinnaasimangilai. Allaffeqarfimmi immikkoortut ataasiakkaat tulleriiarlugit naammassineqarsinnaasimangillat, naak tamanna kissaatigineqarlunilu isumaqatigiissutaasimagaluartoq.

Sanaartorfimmi malugaarput, suliassat aallartinnerini sanasullu ajornartorsiummik naammattoorsigaangata inummik aqutsisussamik ilitersuisussamillu amigaateqartoqartoq. Sanaartortumit sulisut pitsaanerumik aqunneqarsimagaluarpata sanaartornermillu aqutsisoq ilitersuinerusimagaluarpat sanasut arlalitsigut ikiorneqarluarsinnaagaluarput sukkannerusumillu ingerlallutik. Arlaleriarluta malugisarpaput sanasut suliassatik qanoq isumagissallugit nalorngileraangamik sulinerminni unittoortartut. Tamakku saniatigut suliassat assigiinngitsut suliaqarfinit assigiinngitsunit isumagineqartussat pitsaavallaanngitsumik ataqatigiissaarneqarsimapput. Pineqartut tassaapput sanasut, qalipaasut, ruujorilerisut innaallagisserisullu. Ataqatigiissaarinerup amigaataanera kinguarsaataasut ilagaat.

Isumarput malillugu sanaartornerup kinguaattoornera arlalinnik peqquteqarsimavoq. Peqqutaanerpaat qulaani tunngavilersuutinit aallaaveqarput.

Sanaartorneq soorunami suliffimmi, allaffimmi inuttullu inooqatigiinnikkut sunniuteqarsimavoq, allaffimmi sulisuusugut tamatsinnut immikkut. Sanaartorneq taama sivisutigissasooq aallaqqaammulli ilisimasimasuugutsigu suliffimmi atukkagut iliorsimanitsinnit allarlunnartut pilersaarusiorsimassagaluarpagut. Naatsorsuutigarpummi suliaq isumaqatigiissut malillugu naammassineqassasooq, tassalu 2005-imi uge 48-mi naammassineqartussaalluni. Tamanna soorunami suliffimmik nuannarinninnermik naammassinnaanermillu equivoq. Tamanna inunnut suleqatigisatsinnut ajuusaarnarpoq, ilaasortatta tungaannut kiffartuussinikkut aallussinerusinnaasimagaluarluta kiisalu suliassat aallareriikkatta piareersarnerinut iliuserisimasatsigut.

Tamakku saniatigut sanaartornerup paamaarunnera inatsisilerituumik sulisortaannitsoornitsinnik kinguneqarpoq, novembarip naanerani atorfinnissaa siunniunneqaraluarami. Piffissalli tamatuma nalaani suliffimmi atugassarititaasut taamaattut innersuussutigisinnaanngilagut.

Periarfissaq iluatsillugu sulisugut taama atugaqarlutik suliainnik naammagittarlutik piumassuseqarlutillu isumaginnissimanerannik qutsavigerusuppakka.

Sanaartorneq taama sivilutigisussaq ilisimasimasuusimagutsigu sanaartorerup naammassinissaata tungaanut allaffinnik attartorsimassagaluarpugut. Taamaammat Lisbeth aamma Jensigne utoqqatserfigingaatsiassavagut. Taamaattoqarsimassanngikkaluarpormi.

Ilaasortat

Ullumikkut 1172-inik ilaasortaqpugut, siorna 1170-iullutik.

Ilaasortat amerlassusiat kisitsisinut taakkununga patajaalersimasorinarpoq. Ilinniartitsisut ilinniarsimasut suli tamakkingajallutik ilaasortaapput, atuartitsisulli eqqarsaatigalugit ikinnerullutik.

Ukioq manna aallarnerfigalugu ilaasortat taarsigassarsinissaannik neqeroorfigisinnaalerpagut – aamma atuartitsisut. Tamanna eqqarsaatigalugu atuartitsisut ilaasortaasut aamma amerlanerulertariaqaraluarpugut.

Ukioq manna ilaasortat amerlasuut saaffiginnissutigisartagaat aammaarluni piffissamut suliffiusussamut tunngassuteqarput. Taamattaq sullivimmi anersaakkut atukkat pillugit saaffiginnittut amerlisimapput.

Ilaasortanik ataatsimiisitsisarneq

Sinniisoqarfiup kingullermik ataatsimiinnerata kingorna ilaasortanik arlaleriartumik ataatsimiisitsisoqartarsimavoq. Piffissap ingerlanerani isorliunerusut marluk tikeraarsimavagut, tassalu Qaanaaq aamma Ittoqqortoormiit. Taamattaq Qeqertarsuarmi, Nuummi aamma Kangerlussuarmi ilaasortat ataatsimiisinnegarsimapput.

Ataatsimiittarnerni apequtigineqarnerasaarpoq piffissaq suliffiusussaq pillugu isumaqatigiissut kiisalu suleqatigiinnissamik sunniuteqaqataanissamillu isumaqatigiissutit. Isumaqarluinnarpugut suleriaatsit arlallit tungaasigut atuarfiit malittarisassanik erseqqissunik suliarinnittarsimannigitsut, uffa ilinniartitsisinut aqutsisinullu amerlasuunut ulluinnarni sulineq paasinernerulertussaagaluartoq. Illuatungeriinnut tamanut puullaqilersitsisuuvoq, ajornartorsiutimmi aatsaat takkukkaangata sulianni ataasiakkaani aatsaat isummerniarloqalersarmat. Malittarisassat malitassat allattorneqarsimasuuppata amerlasuunut suleriaatsimik oqilisaataasimassagaluarpog. Tamanna ataurfinni sulinermi anersaakkut atukkanut annertuumik sunniuteqarpoq.

Tamanna suliassanut arlalinnut atuarfeqarnermi sammisatigut assigiinngitsunik imaqartumi aamma atuuppoq. Suliassat atuarfiup pisortaata, pisortap tulliata, immikkoortortami aqutsisup, sammisatigut siunnersortip, ilinniartitsisup siunnersortip allaluunniit atuarfimmi pilersissimasaat. Paasiuminaatsitat nalorninermik naammaginninnginnermillu pilersitsisut, pisuni amerlavallaani sumut saaffiginnissalluni ilisimaneqartanngimmat. Aqqissuussinikkut pilersaarusiortoqartariaqarpoq kiisalu suliassat atorfiillu pillugit tamaasa nassuiaasorsorlugit, taamaalilluni kikkut suut akisussaaffigineraat ilisimaneqarniassammat.

Ajornartorsiutaasut annerit ilagaat, amerlavallaat sapaatit akunnerinut akunnerit atuartitsiffiusussat suli aallaavigisarmatigik. Skemalioriaaseq ajornartorsiummut peqquataaqataalluinnartutut isumaqarfigaarput, ukiumut ataatsimut ilivitsumut tunngaviumik skemaliortarneq kisiat tunngavigimmagu. Tamanna amerlasuunut aamma sunniuttarpoq, sapaatit akunnerinut suliffissat ukiumoortumik suliffissat aallaaviginagit eqqarsartoqalersarmat. Pissutsit

tamakku kinguneraat amerlasuut suliassat naammasseriikkatik imaluunniit ingerlatissamaakkatik akissarsissutigisarnerlugit paasiuminaatsittaramikku. Taamattaaq atuarfiit suli arlaqarput piffissaq suliffiususaaq pillugu isumaqatigiissut naapertorlugu malittarisassanik suliaqarsimangitsut.

Siulersuisut

Siorna kattuffimmi siulersuisunik nutaanik qinersisoqarpoq. Siulersuisunut ilaasortat amerlanerit siulersuisuneereersimapput. Ataaserli nutaanik qinigaavoq, tassa Ittoqqortoormiinit Tom Sørensen siulersuisunut qinerneqarmat.

Siulersuisutut suliassani aallarniutigineqarpoq skemalioriaaseq pillugu pikkorissartitseqqaarneq, kingornalu siulersuisuni sulineq pillugu Danmarks Lærerforeningimik pikkorissaasoqarluta pikkorissartinneqarpugut.

Siulersuisut ataatsimiinneranni siullermi suleriaatsit arlallit siulersuisut oqalliseraat, ilaasortanik sullissinermi sapinngisamik pitsaasumik suleriaaseq inerisarneqarusummat. Pikkorissarnermi qulequtarinneqarpoq ”Qanoq pitsaanusumik iliorsinnaavugut”. Pikkorissarneq ima aqqissuunneqarpoq suliassat sinniisoqarfiup ataatsimiinnerani saqqummiunneqarsimasut siulersuisut salliutikkusutaat siulliullugit, aamma akissarsiat pillugit isumaqatigiinniarnerni piunasaqaatinik arlalinnik imaqartoq. Taamatuma kingorna siulersuisut iliuusissatut pilersaarutiniq suliarinnipput maanna siunissamilu piviusunngortitassat siunertaralugit. Suliassat assigiinngitsut sammisarnerini suleriaaseq taanna nuannaarutigilluarparput.

Siulersuisut qaammatikkaartumik ataatsimiittarput, amerlanerit oqarasuaatikkut, ataatsimiinnernilu pingasuni siulersuisut katersuutsinneqarlutik.

Ajoraluartumik siulersuisunut ilaasortanngorlaaq Tom Sørensen Danmarkimi suliffissarsiorini peqqutigalugu tunuarpoq. Mikkel Lybæch Tom Sørensenimut sinniisaasoq 1. april 2006 aallarnerfigalugu siulersuisunut ilaasortanngorpoq.

Siulersuisut ivertinneqaramilli akissarsiat pillugit isumaqatigiinniarnissamut piareersalerput, maannalu isumaqatigiinniarnissanut piareerlutik. Piunasaqaatit tassaapput sinniisoqarfik siorna kingullermik ataatsimiimmat aalajangiunneqartut.

Tunngaviusumik isumaqatigiissuterput malillugu qangarsuarli isumaqatigiinniarsimasussaagaluarput, Namminersornerusunili Isumaqatigiinniartartut kinguartitsinerat peqqutigalugu kinguartinneqarpoq. Isumaqatigiinniarnernit aallartinneqassapput marlunngornermi 30. maj 2006.

Sinniisunik pikkorissartitsinerit

Piffissami qaangiuttumi sinniisut marlussoriarlutik pikkorissartinneqarput, pikkorissarnerup ilaani atuarfinni pisortat aamma peqataatinneqarlutik. Pikkorissarneq Ilulissani pivoq. Diskobugtimit Uummannamillu sinniisit nutaat 2005-ip ukiaani pikkorissartinnissaat pingaartissimavarput, nuna tamakkerlugu sinniisit tamaasa 2004-mi pikkorissartissimanerisa assigisaanik.

Pikkorissarnerup aappaa Nuummi ingerlanneqarpoq, pikkorissarnerup ilaani atuarfinni aqutsisut aamma aggersarneqarlutik.

Pikkorissartitsinernut tunngaviuvoq sumiiffinni taakkunani sinniisit malunnartumik taarserarsimani.

Tunngaviusumik suliassatullu pilersaarutit

Sinniisoqarfiup 2005-imi ataatsimiinnerani aalajangiunneqartut naapertorlugit kattuffik ukiumi qaangiuttumi sulivoq. Nunaqarfinni atuarfinnut tunngasut kiisalu nunaqarfinni ilinniartitsisut atugaat pillugit misissuinerit naammassineqarput. Imaanngilarli pissutsit tamakku suliniutissatut pilersaarutitsinnit peerneqartut. Pissutsit naammaginalernissaasa tungaannut suli suliassaqaqaaq. Piffissaq suliffiususaaq pillugu iluarsissutissat isumaqatigiinniutigisussaavagut, piffissarli suliffiususaaq pillugu isumaqatigiissutip immiini atuutsilernissaa suli sammineqarnerusariaqarpoq ikiorsiiffigalugulu.

Sinniisoqarfiup ataatsimiinnerani kingullermi kattuffiup pujortartarnek pillugu politikkeqannginnera akuerisoorparput. Tamanna soorunami ilumuunngilaq. Immikkoortorlu inisseqqinneqarpoq.

Ukioq ingerlareerpoq aammaartumik atuarfiit tamarmik suleqatigiinnissamik ataatsimiitaliatik naammaginartumik ingerlatilersimanngilaat, taamaammallu ukiumi takkuttussani tamanna annertunerusumik sammineqassaaq.

Siulersuisut allaffeqarfiullu ”meeqqat sumiginnagaasut” pillugit ajornartorsiut sammingaatsiarsimavaat. Inatsisartut Naalackersuisullu sorpassuarnik immersuiffigaluarlugit ajornartorsiutinik qarsupeeriartarnertingaasit nittarsaateqqippaat, taamaammatt sammisami tassani suliniutit takussaasut malunnaatilillu ingerlatiinnaqqittussaavagut.

Pikkorissartitsinerit alalutissagigut siulersuisut aamma siunniuppaat. Sinniisugut aqutsisullu eqqarsaatigalugit, aammali inuiaqatigiinni tunngasunik. Meeqqat atuarfiata kalaallisut qitiutinneqarnerata aalajangiusimanissaa siunertaralugu suliniutinik allartitsissaagut, atuarfiup ineriartortinneqarnera pillugu tamatigoornerusumik oqallinnissamut ilapittuutaasinnaasunik. Ataatsimeersuarneqassasoq taaguutilimmik ”Atuarfik qitiutillugu” siulersuisut siunnersuutigaat.

Aningaasaqarneq

Naatsorsuutit kr. 275.000,00 sinneqartoorfiupput, tamannalu siulersuisunit nammaginartutut nalilerneqarpoq.

2005-imut missangersuusiornitsinni naatsorsuutigisimavarput 78.000,00 koruuninik sinneqartooruteqassalluta. Sinneqartooruteqarnitsinnut peqqutaanerpaajupput ilaasortat akiliutaannik 200.000,00 koruuninik amerlanerusunik isertitaqarsimanerput, aammattaaq pappilissanik nalilininik pigisatsinnit amerlanerusunik isertitaqarsimanerput.

Ataatsimiinnernut pikkorissartitsinernullu naatsorsuutigisatsinnit amerlanerulaartunik aningaasartuuteqarsimavugut, aammattaaq inatsisilerituumut naatsorsuutigisatsinnit amerlanerusunik aningaasartuuteqarsimalluta. Tamanna suliamik annertuumik ingerlatsisimanitsinnik tunngaveqarpoq, illuatungittalu uatsinnut akiligassatik 85.000,00 koruunit suli akilersimanngimmatsigit eqqartuussivimmuut qulliunerusumut ingerlatseqqinertik tunngavigalugu.

Siulersuisut piffissami qaangiuttumi ilaasortaanermut akiliutit PBS aqqutigalugu akilerneqartalernissaat sulissutigisimavaat, naatsorsuutinik ingerlatsinermik piffissamik atuisarneq oqilisarniarlugu annikillisarinarlugulu, akiliutigisimasamik misissuisarneq piffissaajarnartaqimmat.

Piffissaq manna iluatsillugu naatsorsuutininik ingerlatsisorput qutsavigerusupparput, akunnerpassuit unnuppassuillu atorlugit naatsorsuuserinerup iluatsinnissaanut sulissutigisimmagu.

Ukiunut naatsorsuiffiusunut siuliinut marlunnet naleqqiussigutta aningaasatigut ingerlanerput isumannaallisaqqillugu aallarteqqippugut, taamaalilluta piffissani immikkut iliuuseqarfigisinnaasatsinni nukittunerusumik ingerlatsisinnaaleqqikkatta. Siulersuisut aningaasaqarnerput isumannaatsutut nalilerpaat.

Allaffeqarfik

Siniisoqarfik kingullermik ataatsimiimmat kattuffik inatsisilerituumik atorfinitsitsissasoq sinniisoqarfiup neriorsuutigaa.

Sinniisoqarfik ataatsimeeqqammersoq inatsisilerituup ataatsip atorfinitsinnissaa siunertaralugu attaveqarfigaarput. Pineqartoq atorfininnissaminut soqutiginnilluarpoq, isumaqateqarfigaarpullu allaffeqarfiup allangortiterneru naammasseriarpas atorfinissasoq. Ajoraluartumik allangortitertineq naatsorsuutigisatsinnit siviunerujussuuvoq. Piffissalli ingerlanerani inatsisileritooq inuunermi pisut pequtugalugit inuttullu inissisimaneq pequtugalugit Nuumminngaannitt aallarniaannalersimavoq.

Oktobari qaammat atortutta ilaat toqqorsivimmuut inissippagut. Atortullu aatsaat apriliimi tigoqqissinnaallutigit. Tamanna soorunami allaffeqarfimmi suliatinnut sunniuteqarsimavoq.

Allaffeqarfimmi sulisut maanna pingasuuvugut piffissallu ilaanni ilinniagaqartumik ikiorteqartarluta. Taamaammat sulinitinnut ilaqaataalluassaaq inatsisilerituumik atorfinitsitsigutta, sulilu taanna siunniussimavarput.

Danmarks Lærereforening

Danmarks Lærereforeningip Siulersuisuunerini ukiorpassuarni attaveqarfigisartagarput Jon Kowalzyk allamik suliffeqalerniarluni siulersuisuunernit tunuarsimavoq. Maanna Lærernes Centralorganisationimi atorfeqarpoq. Periarfissaq manna iluatsillugu sullissisarsimaneranut kammalaataalluarsimaneranullu qutsavigerusuppara. Ukiuni kingullerni sinniisoqarfimmi ilaasortat amerlasuut pitsaasumik ikinngutinnersumillu attuumassuteqarfigilersimavai. Danmarks Lærereforeningip Siulersuisuunerinut ilaasortaajunnaarmat siulersuisuunerni allamik attaveqalerpugut. Attavigisartagarput nutaaq tassaavoq Lotte Lange, Danmarks Lærereforeningimi sammisaqarfitsigut ataatsimiititaliamut siulittaasuusoq. Neriutigaarput Danmarks Lærereforeningimi sammisaqarfitsigut allaffimmit immikkut ilisimasanik suli pissarsiuarsinnaalluta.

Danmarks Lærereforeningimut attuumassuteqarnerput pillugu sinniisoqarfiup siorna siulersuisut misissueqqullugit piumaffigaat. Tamanna tunngavigalugu Danmarks Lærereforening arlaleriartumik ataatsimeeqatigineqarpoq. Ataatsimiinnerit ilaat Københavnimi ingerlanneqarput, ilaat oqarasuaatikkut mail-ikkullu. Ataatsimiinneq kingulleq Nuummi pivoq, tassani peqataallutik Danmarks Lærereforeningip siulittaasua Anders Bonde Christensen, suliaqarfitsigut ataatsimiititaliamut siulittaasoq Lotte Lange, allaffeqarfimmi pisortaq Hans Ole Frostholt kiisalu siunnersorti Birgitte Thaae.

Ataatsimiinneq pissarsiffiulluarpoq. Ukiuni kingullerni atuagassiap Folkeskolen-ip nassiunnera akitsoriartorsimavoq. Ataatsimiinnermi isumaqatigiippugut Nunatsinni atuarfimmuut

nassiunneqartartut ikilisinneqassasut, ilisimagatsigumi atuagassiami naqitat amerlasuut ilinniartitsisut isersimaartarfiini atuarneqartanngitsut. Naqiterinernut nassiussinernullu aningaasartuutit kisimik Nunatsinnut $\frac{3}{4}$ mio. kr.-t missaannik aningaasartuutaasarput. Isumaqatigiissutip taakkutitartaa ilinniartitsisut isersimaartarfiini malugineqarnerussagunarpoq.

Ilinniartitsisunut ullorsiutit pisartagariinnarusuppagut, ilassutitut paasissutissat Nunatsinni atuarfeqarfinnut tunngasunik imaqtussat ilanngutsikkusullutigit, atuarfiit adressii, oqarasuaatit normui, emailii faxillu normui allassimassallutik.

Isumaqatigiissutit ilagaat atuartitsisut nunatsinni atuarfeqarfimmi sivikinnerpaamik ukiuni marlunni sulereersimagunik Danmarks Lærerforenings Låneforeningianit aningaasanik taarsigassarsiniarsinnaanerat.

Isumaqatigiissut pissutsinik allanik arlalinnik aamma imaqarpoq. Naggataatigut taarusutara tassavoq ullorsiutit malillugu ukioq 2007-mit ilaasortaannermut akiliutitta affaannanngortinneqarnissaa, taassumalu nassatarisussaavaa IMAK'ip sammisaqarfiini sinniisugut amerlanerusunik pikkorissartittarnissaat.

Taamaammatt periarfissaq iluatsillugu Danmarks Lærerforeningip siulittaasua isumaqatigiinniartartuulu ataatsimiittarnitsinni isumaqatigiinnissanut piumassuseqarsimanerat pillugu qutsavigerusuppakka.

Nordiske Lærerorganisationers Samråd

Nordiske Lærerorganisationers Samråd tassavoq nunani avannarlerni ilinniartitsisut kattuffiisa Nunani Avannarlerni ilinniartitaanerup iluani sunik pisoqartarnera pillugu kiisalu nunarsuarmi sumi tamani suliniutit allat pillugit paasissutissanik paarlaasseqatigiittarfiat.

Ukiaq kingulleq Kattuffiit isumasioqatigiinneranni ataatsimik peqataatitaqarpugut, qulequtarineqarluni "Nunat avannarliit nunarsuarmioqatigiillu tungaannit ilinniartitsisut atorfiup ineriartortinneqarnera piginnaanngorsaaffigineqarneralu". Isumasioqatigiinnermi ilaatigut nunat tamat akornanni ineriartorneq eqqartorneqarpoq, kiisalu nalileeriaatsit maanna oqallisaanerujartuinnartut.

Nakkutilliisoqarfiit ataatsimiittarnerini nalilersueriaaseq ukiuni kingulliunerusuni annertuumik sammineqartarpoq. Ataatsimiinnermi kingullermi Nunani Avannarlerni ilinniartitsisunngorniarluni ilinniartitsineq sammineqarpoq. NLS suliniummik ingerlataqarpoq, eqqarsaatigineqarluni 2007-imit aallartittumik ukiut pingasut ingerlaneranni naammassineqartussaasoq. Pitsaassuseq pillugu suliniut tassavoq: "Imminut nalilersorneq aqqutigalugu suliaqarfimmik ineriartortitsineq". Eqqarsaatigineqarpoq nunat annerit atuarfinni 20-ni taama ingerlatsissasut, nunanilu minnerni soorlu Nunatsinni Savalimmiunilu atuarfinni tallimani. Suliniut aallartinneqassanersoq aatsaat Nakkutilliisut 2006-imi novembarimi ataatsimiinneranni paasineqassaaq.

Atuarfinni pisortat Aqutsisut ataatsimoortarfianni perngaammik ataatsimiipput. Eqqarsaatigineqarpoq atuarfinni pisortat ukiumoortumik apeqqutit sammineqartut pillugit ataatsimiittassasut. Nunatsinni atuarfinni pisortanit ataatsimik peqataatitaqarpugut. Aqutsisut ataatsimoortarfianni tullianik ataatsimiinneqassaaq juni 2006. Ataatsimiinnermi tassani qulequtarineqassaaq: "Aqutsisunut tunngassutillit iluatsinnaataallu taakkulu sunniutaat".

Sinniisoqarfik ataatsimeeriitsiarpat NLS Savalimmiuni aasaanerani pikkorissartitsissaaq, qulequtarissallugu: ”Ilinniartitaanermi isummanik paarlaasseqatigiinneq – Oqaloqatigiinneq eqqarsaatersornerlu”. Nunatsinneersut sisamat peqataasinnaapput, taakkunanga IMAK’imit pingasut pikkorissarnermi peqataassallutik, ataaserlu PIP-mit.

ICC

Kiistat Holm 1. april 2006 tikillugu ICC-mi aallartitaraarput. 1. april nutaamik aallartitaqalerpugut, tassa siulersuisunut ilaasortaq Esther Rosing ukiunut tulliuuttunut sisamanut aallartitarileratsigu. Kiistat Holmip ataatsimiinnerni peqataaffigisaa kingulleq tassaavoq nuntasinniit aallartitassat 24. januar 2006 Nuummi ataatsimeeqatigiinnerat, tassani ataatsimiinnermi ICC-mut tunngasut assigiinngitsut paasissutissiissutigineqarput. Eqqartorneqartut tassaasimapput, silaannaap kissassutaata allanngortiartonera, Permanent Forummi suliat, nunat inoqqaavisa piginnaatitaaffii, FN-ip iluani ingerlatat kiisalu Hingitaaq 53. Ammattaq paasissutissiissutigineqarpoq ukioq 2007 tassaasasoq ”Polar Year”, ICC-p pisussaq pillugu kulturimut ilinniartitaanermullu naalakkersuisoq Doris Jakobsen ICC-mit ataatsimeeqatigineqartussaavoq. Esther Rosing ileqqusumik ataatsimiinnermi 6. april 2006-imi ingerlanneqartumi peqataavoq. Ataatsimeeqatigiinneq ICC-p Utqigik-mi (Barrow) ataatsimeersuarnissaanut 9.-14. juulimi 2006 ingerlanneqartussamat piareersarneruvoq. IMAKip siulersuisuisa ICC-mi suleqatigiinneq pillugu aaliangersagaliornissaq eqqartornikuuaat, taanna Canadami Alaskamilu ilinniartitsisut kattuffiiniq suleqateqalernissamat aqutissiuussisinnaammat..

PIP suliaqarfitsigullu kattuffiit allat

Kattuffiit arfiniliulluta qaammatit tamangajaasa ataatsimiittarpugut. Kattuffiit tassaaput PIP, PPK, ASG, AK aamma TP. Piffissamili kingulliunerusumi TP ataatsimeeqataasarsimangilaq.

Ataatsimiinnerni eqqartorneqarnerusarput Namminersornerusunut kommuniullu tunngasut, isumaqatigiinniarnernilu apeqqutit aamma eqqaakkajunneqartarlutik. Suleqatigiinneq paasissutisseqatigiinneruvoq.

Sammissat qulaani taaneqartut saniatigut Akissarsiaqarneq pillugu Ataatsimiititaliap ataatsimiinnerinit oqaaluuserineqartussat tunngavigalugit immikkoortunik piareersaaqatigiittarpugut.

Piffissami kingullermi isumaqatigiinniarnissat pillugit ataatsimoorussamik saaffiginnissuteqarpugut.

KANUKOKA

KANUKOKA’mik suleqateqarnerput isumalluarfiujuaannarsimavoq. Suleqatigiinneq ukiuni siuliinitut pitsaasimavoq tamanullu iluaqutaalluni.

Ukiaq aqutsisut isumasioqatigiinnerat pillugu suleqatigiippugut, Inerisaaviup ataani suliniutit assigiinngitsut, suliaasat ingerlaavartut suleqatigiissutigalugit, sulianilu amerlanerni isumaqatigiittuarsinnaasimavugut. Piffissamili kingullermi oqaluttariasorluni soraarummeerni misiliisuutitat akissarsiaat pillugit isumaqatigiinngissimavugut. Taamaammat isumaqatigiinniartarfik piaartumik akunnermiliuteqqullugu qinnuigaaarput.

KANUKOKA-mi siunnersortaaneq suleqatigilluarsimasarput, isumarpullu malillugu nunatsinni meeqqat atuarfiannut tunngasutigut piginnaasaqarnerpaaq, aasaq manna soraarninngornissani aalajangiussimavaa. Qularutiginnilara paarlatsissaanik nassaarnissaq ajornakusuussasoq. Qularutiginnilaralu atuarfinni aqutsisut kiserliortutut misigilissasut, annertoqqutissaminnillu amigaateqalissasut. Ajuusaarutigeqalugu Karl Nielsen Danmarkimut uterniarluni aalajangersimasoq ukioq manna inuullaqqussavarput. Inuunermini nutaamut ikaarsaarnissaani iluatsitsilluarnissaanik kissaapparput.

KIIP

Ukioq manna atuarfiusoq KIIP pitsaasumik suleqatigisimavarput. Suleqatigiinnitta ukiuni takkuttussani annertusinissaa kissaatigaarput.

4. ALLAT

Ilinniartitsisoq

Ilinniartitsisoq maanna ukiumut arfineq pingasoriarluni saqqummertalerpoq.

Atuagassiamut allattussanik suli amigaateqartuarpugut. Taamaammat aqqissuisoqarfimmi aalajangersimasumik sulisumik atuagassiami allaasserinnittartussamik ataatsimik ilavugut. Aqqissuisut amerlanerutikkusuppagut, taamaalilluni sinerissamit sumiiffinnit amerlanerusunit allaaserisat amerliniassammata.

Atuagassiap imarisai ilioqqarneralu pillugit iluarinnittuinnarnik tusarlerneqartarpugut. Soorunami tamanna nuannaarutigaaarput, atuagassiamulli allattussanik amerlanernik pissarsiorpugut.

Qarasaasiakkut nittartagaq

Nittartakkamik nutaamik maanna suliarinnittoqarpoq. Suleriaaseq Type 3 tunngavigalugu suliarineqassaaq. Siornatigut periarfissat pigisimanngisagut periarfissarilissavagut. Najoqqutassat soorlu sinniisinut tunngasut, sinniisoqarfimmut tunngasut il.il. ikkussuunneqassapput. Taamaalilluni kialuunniit pissarsiarisinnaavai, mail-ikkut pissarsiariniarnissaat isumalluutigiunnaarlugu.

Imallu suliarineqartussaavoq nittartagaq ammaraanni paasissutissat ersittut kikkulluunniit atuarsinnaallugit, taamaalilluni atuisunut atoruminarnerulertussaalluni.

Sinniisutut, sinniisoqarfimmi ilaasortatut, aqutsisutut siulersuisunulluunniit ilaasortatut isissutissatut ilisarnaat atorlugu quppernerit allat iserfigineqarsinnaapput. Atuisartutut ilisarnaat aatsaat atorlugu quppernerit tamakku takuneqarsinnaalissallutik.

Taarsigassarsisitsisarfiit Tjenestemændenes Låneforening aamma Danmarks Lærerforenings Låneforening

Taarsigassarsisitsisarfiit marluusut atuartitsisunik ukiuni aalajangersimasuni sulereersimasunik taarsigassarsisitsisarnissaq ammaappaat. Kattuffimmi nuannaarutigeqisatsinnik. Taarsigassarsisitsiniartarfiit marluullutik ilaasortatsinnit suli atorluarneqarput.

NALUNAARSUUTIT:

Siulersuisut:

06.-08.04.05	Siulersuisut Ilulissani ataatsimiinnerat
09.05.05	Siulersuisut oqarasuaatikkut ataatsimiinnerat
16.06.06	Siulersuisut oqarasuaatikkut ataatsimiinnerat
05.-06.09.05	Siulersuisut Kangerlussuarmi ataatsimiinnerat
17.10.05	Siulersuisut oqarasuaatikkut ataatsimiinnerat
07.11.05	Siulersuisut oqarasuaatikkut ataatsimiinnerat
14.12.05	Siulersuisut oqarasuaatikkut ataatsimiinnerat
08.-13.01.06	Siulersuisut Nuummi ataatsimiinnerat
06.02.06	Siulersuisut oqarasuaatikkut ataatsimiinnerat
06. og 09.03.06	Siulersuisut oqarasuaatikkut ataatsimiinnerat
30.03-08.04.06	Siulersuisut Nuummi ataatsimiinnerat
24.-29.05.06	Siulersuisut Nuummi ataatsimiinnerat

ATAATSIMIINNERIT ALLAT:

02.03.05	Sivso Dorph, Paul Raahauge, Esther Rosing aamma Lisbeth Frederiksen Isumaqatigiinniartarfimmi akunnermiliunnermi ataatsimiinnerat
02.03.05	Sivso Dorph aamma Lisbeth Frederiksen Nuummi sinniisinik ataatsimeeqatiginninnerat
03.03.05	Sivso Dorph KANUKOKA-mit Karl Nielsen peqatigalugu Nuummi atuarfinni pisortanik ataatsimeeqatiginninnerat
03.03.05	Sivso Dorph aamma Lisbeth Frederiksen suliaqarfitsigut kattuffinnik allanik ataatsimeeqatiginninnerat
07.-10.03.05	Esther Rosing aamma Johan Reimer Danmarkimi pikkorissarnerat
07.-9.03.05	Lisbeth Frederiksen Nunatta Eqqartuussiviani
10.03.05	Sivso Dorph DLF-imi siulittaasoq Anders Bondo-mik ataatsimeeqatiginninnera
11.03.05	Sivso Dorph Birgitte Thaae-mik ataatsimeeqatiginninnera, DLF'imi pikkorissarnermut immikkoortortaq
14.-16.03.05	Sivso Dorph ilinniartitaaneq pillugu Finland-imi ataatsimeersuaqataanera
04.04.05	Lisbeth Frederiksen Lærernes Pension-imik ataatsimeeqatiginninnera
05.04.05	Sivso Dorph aamma Lisbeth Frederiksen TR-fonden-imi ataatsimiinnerat
15.04.05	Lisbeth Frederiksen Nunatta Eqqartuussiviani eqqartuussinermut peqataanera
19.04.05	Sivso Dorph akileraartarnermut pisortaq Kaare Hagemann'ip ataatsimeeqatiginnera
20.04.05	Sivso Dorph SISA-mit Jess G. Berthelsen aamma Peter Grønvold Samuelsen-imik ataatsimeeqateqarnera
21.04.05	Sivso Dorph aamma Lisbeth Frederiksen Inatsisartut KU-mut ataatsimiititaliaanik ataatsimeeqateqarnera
21.04.05	Sivso Dorph aamma Lisbeth Frederiksen suliaqarfitsigut kattuffinnik allanik ataatsimeeqateqarnerat
25.04.05	Sivso Dorph Qeqertarsuarmi ilaasortanik ataatsimeeqateqarnera
26.04.05	Sivso Dorph Qeqertarsuup Atuarfiani aqutsisunik ataatsimeeqateqarnera ilaasortanillu ataatsimiisitsineq
28.04.05	Sivso Dorph Inerisaavimmit Jens Jakobsen-imik ataatsimeeqateqarnera
29.04.05	Sivso Dorph KIIP'imit Franz Tremel-imik ataatsimeeqateqarnera

- 02.05.05 Sivso Dorph aamma Lisbeth Frederiksen Nuna advokaterne-mik
ataatsimeeqateqarnerat
- 02.05.05 Sivso Dorph aamma Lisbeth Frederiksen PIP-mik aamma meeqqat
sumiginnagaasut angajoqqaarsiaannik ataatsimeeqateqarnerat
- 03.05.05 Sivso Dorph Inerisaavimmit Jens Jakobsen, Lone Hindby aamma Karl Nielsen-
imik ataatsimeeqateqarnera
- 04.05.05 Sivso Dorph aamma Lisbeth Frederiksen ASK'mi immikkut atuartitsivimmut
pulaarnerat
- 04.05.05 Sivso Dorph sanasunik ataatsimeeqateqarnera
- 06.05.05 Sivso Dorph aamma Lisbeth Frederiksen Allaffissornermut Pisortaqarfimmit Britta
Pedersen-imik ataatsimeeqateqarnerat
- 06.05.05 Sivso Dorph aamma Lisbeth Frederiksen sumiginnaasarneq pillugu
akerliussutsimik takutitseqataanerat
- 06.05.05 Sivso Dorph Inatsisartut Isumaginninnermut Ataatsimiititaliaani
oqaloqatiginninnera
- 09.05.05 Sivso Dorph aamma Lisbeth Frederiksen immikkut atuartitsivik pillugu William
Kriegel-imik ataatsimeeqateqarnerat
- 17.05.05 Sivso Dorph aamma Lisbeth Frederiksen DLF-imit Anders Bondo-mik
ataatsimeeqateqarnera
- 17.05.05 Sivso Dorph aamma Lisbeth Frederiksen ataatsimeeqatigaat LP, (PB, SS, HG)
- 18.05.05 Sivso Dorph aamma Lisbeth Frederiksen DLF-imi Pikkorsarnermut
Immikkoortortamik ataatsimeeqateqarnerat
- 19.05.05 Lisbeth Frederiksenip ataatsimeeqatigai DLF-imi sammisaqarfitsigut allaffeqarfik
aamma Dansk Psykologforening
- 19.05.05 Esther Rosingip Inerisaavimmi siulersuisut ataatsimeeqatigai
- 19.-22.05.05 Sivso Dorph Longyerbyen-imi NLS-ip nakkutilliisoqarfianik ataatsimeeqateqarpoq
- 20.-25.05.05 Lisbeth Frederiksen Ittoqqortoormiini ilaasortanik ataatsimiisitsivoq
- 23.-31.05.05 Paul Raahauge Oslo-mi NLS'ip immikkoortortaanik ataatsimeeqateqarpoq
- 01.06.05 Sivso Dorph Ilulissani AMS'imi ilaasortanik ataatsimiisitsinera
- 02.-08.06.05 Sivso Dorph Qaanaami ilaasortanik ataatsimiisitsinera
- 08.06.05 Esther Rosing aamma Lisbeth Frederiksen ataatsimeeqatigaat Dansk
Psykologforening
- 16.06.05 Sivso Dorph aamma Lisbeth Frederiksen KANUKOKA'mit Karl Nielsen
ataatsimeeqatigaat
- 30.06.05 Sivso Dorph SISA-mit Peter Grønvold Samuelsen ataatsimeeqateqarpoq
- 28.07.05 Sivso Dorph aamma Johan Reimer SISA, Kbh, ataatsimeeqatigaat
- 29.07.05 Sivso Dorph aamma Johan Reimer LP-mik ataatsimeeqateqarput
- 29.07.05 Sivso Dorph aamma Johan Reimer PFA-mit Lis Hasling ataatsimeeqatigaat
- 11.08.05 Sivso Dorph'ip ataatsimeeqatigaa INUPLAN
- 16.08.05 Sivso Dorph'ip ataatsimeeqatigaa Inerisaavik
- 16.08.05 Sivso Dorph Isumaqatigiinniartarfimmi isumaqatiginninniarpoq
- 18.08.05 Sivso Dorph Isumaqatigiinniartarfimmi isumaqatiginninniarpoq
- 22.-25.08.05 Esther Rosing aamma Johan Reimer DK-mi Aaqqissuussinermik pikkorissarput
- 23.08.05 Sivso Dorph aamma Lisbeth Frederiksen paasisitsiniaanermi ataatsimiipput,
Sullivinnik Nakkutilliisoqarfik
- 25.08.05 Sivso Dorph aamma Lisbeth Frederiksen kattuffinnik allanik ataatsimeeqateqarput
- 26.08.05 Sivso Dorph'ip ataatsimeeqatigaa INUPLAN
- 29.08.05 Lisbeth Frederiksen atuarfinni aqutsisunut ilitsersuut pillugu ataatsimiippoq

30.08.05 Lisbeth Frederiksen atuarfinni aqutsisunut ilitsersuut pillugu ataatsimiipooq
 30.08.05 Sivso Dorph ataatsimeeqatigaa INUPLAN
 31.08.05 Sivso Dorph aamma Lisbeth Frederiksen kattuffiit allat ataatsimeeqatigaat
 31.08.05 Sivso Dorph inuussutissarsiornermut naalakkersuisumik oqaloqatiginninnera
 08.09.05 Sivso Dorph Inerisaavimmi ataatsimiipooq
 09.-12.09.05 Lisbeth Frederiksen Ilulissani sinniisinik pikkorissartitsivoq
 13.09.05 Sivso Dorph'ip ataatsimeeqatigaa INUPLAN
 15.09.05 Sivso Dorph aamma Lisbeth Frederiksen Nuummi sinniisinik ataatsimiisitsinerat
 15.09.05 Esther Rosing sumiginnaasarneq pillugu suleqatigiissitani ataatsimeeqataavoq
 16.09.05 Sivso Dorph Inerisaavimmi ataatsimiipooq
 22.09.05 Lisbeth Frederiksen Nuussuarmi ulloq naallugu atuarfimmi ataatsimiipooq
 26.-30.09.05 Paul Raahauge aamma Lisbeth Frederiksen DLF-ip ataatsimeersuarnerani
 29.09.05 Paul Raahauge aamma Lisbeth Frederiksen'ip ataatsimeeqatigaat DLF
 03.10.05 Lisbeth Frederiksen DLF-imik ataatsimeeqateqarpoq
 10.10.05 Sivso Dorph Grønlandsbanken-imik ataatsimeeqateqarpoq
 12.-15.10.05 Johan Reimer Forbundsseminar NLS, Stockholm
 19.10.05 Sivso Dorph aamma Lisbeth Frederiksen'ip kattuffiit allat isumasioqatigaat
 19.10.05 Sivso Dorph'ip ataatsimeeqatigaa Kim Hovvang, Grønlandsbanken
 20.10.05 Sivso Dorph'ip ataatsimeeqatigaa Karl Nielsen KANUKOKA
 20.10.05 Sivso Dorph Inerisaavimmi ataatsimiipooq
 20.-24.10.05 Lisbeth Frederiksen Nuummi sinniisinik pikkorissartitsivoq
 25.10.05 Sivso Dorph aamma Lisbeth Frederiksen INUITCOM ataatsimeeqatigaat
 25.10.05 Lisbeth Frederiksenip ataatsimeeqatigai Nuna Advokaterne
 26.10.05 Sivso Dorph Inerisaavimmi ataatsimiipooq
 28.10.05 Sivso Dorph Inerisaavimmi ataatsimiipooq
 31.10.05 Sivso Dorph Inerisaavimmi ataatsimiipooq
 01.11.05 Sivso Dorph'ip sanaartorneq pillugu ataatsimeeqatigai INUPLAN aamma Sanasoq
 01.11.05 SDO, LIF aamma JEB-ip INUITCOM ataatsimeeqatigaat
 01.11.05 Sivso Dorph, Lisbeth Frederiksen sulisoqarnermi inatsilerineq pillugu
 pikkorissarnissaq pillugu Annette Poulsen ataatsimeeqatigaat
 01.11.05 Sivso Dorph Inerisaavimmi ataatsimiipooq
 02.11.05 Sivso Dorph Landstingets partiinik ataatsimeeqateqarpoq
 02.11.05 Esther Rosing sumiginnaaneq pillugu suleqatigiissitani ataatsimiipooq
 02.11.05 SDO, LIF, aamma JEB-p Kontorhuset ataatsimeeqatigaat
 03.11.05 Sivso Dorph aamma Lisbeth Frederiksenip kattuffiit allat isumasioqatigalugit
 ataatsimeeqatigaat
 04.11.05 Sivso Dorph'ip KANUKOKA'mit Karl Nielsen ataatsimeeqatigaa
 04.11.05 Sivso Dorph Inerisaavimmi ataatsimiipooq
 07.11.05 Sivso Dorph aamma Lisbeth Frederiksen KANUKOKA'p siulittaasuanik
 ataatsimeeqateqarput
 08.11.05 Sivso Dorph'ip sanaartorneq pillugu ataatsimeeqatigai INUPLAN aamma Sanasoq
 08.11.05 Lisbeth Frederiksen Qorsussuarmi ilaasortanik ataatsimiisitsivoq
 09.11.05 Sivso Dorph Inerisaavimmi ataatsimiipooq
 10.11.05 Sivso Dorph Timelærernes Ferierejsefondimik ataatsimeeqateqarpoq
 11.11.05 Sivso Dorph aamma Lisbeth Frederiksen Lærernes Ferierejsefondimik
 ataatsimeeqateqarput
 11.11.05 Sivso Dorph aamma Lisbeth Frederiksen kattuffiit allat isumasioqatigalugit
 ataatsimeeqatigaat

- 15.-17.11.05 Sivso Dorph aqutsisut Nuummi ataatsimeersuarneranni
- 18.-20.11.05 Lisbeth Frederiksen Tabulex-imik pikkorissarpoq
- 18.11.05 Sivso Dorph Gønlandsbankenimi ataatsimiippoq
- 20.-21.11.05 Paul Raahauge NLS-imi ataatsimiippoq, tunngaviusumik atuarfik
- 22.11.05 Sivso Dorph pisortat pissarsiassaar pillugit isumaqatigiinniuteqarpoq
- 22.11.05 Sivso Dorph'ip sanaartorneq pillugu ataatsimeeqatigai INUPLAN aamma Sanasoq
- 22.11.05 Sivso Dorph aamma Lisbeth Frederiksen'ip ataatsimeeqatigaat INUPLAN aamma Burmeister El-teknik
- 22.11.05 Sivso Dorph Atuartitsisut Ferierejsefond-iani ataatsimiippoq
- 24.11.05 Sivso Dorph aamma Lisbeth Frederiksen Inerisaavimmi ataatsimiipput
- 24.11.05 SDO, LIF aamma ERO Nuummi sinniisit ataatsimeeqatigaat
- 25.11.05 Sivso Dorph aamma Lisbeth Frederiksenip Feriefondenip siulersuisui ataatsimeeqatigaat
- 29.11.05 Lisbeth Frederiksen'ip sanaartorneq pillugu ataatsimeeqatigai INUPLAN aamma Sanasoq
- 29.11.05 Lisbeth Frederiksenip nittartagaq pillugu Aputsiaq Janussen ataatsimeeqatigaa
- 29.-30.11.05 Sivso Dorph NLS-imi ataatsimiippoq, nakkutilliisut
- 01.12.05 Sivso Dorphip suleqatiinneq pillugu Anders Bondo Chr. DLF-imeersoq ataatsimeeqatigaa
- 05.12.05 Sivso Dorph aamma Lisbeth Frederiksenip Nuup Kommunea ataatsimeeqatigaat
- 06.12.05 Sivso Dorphip sanaartorneq pillugu ataatsimeeqatigai INUPLAN aamma Sanasoq
- 08.12.05 Lisbeth Frederiksen oqaatsit pillugit isumasioqatiginnermi
- 12.12.05 Sivso Dorph aamma Lisbeth Frederiksenip USK-mi ilaasortanik ataatsimiisitsipput
- 13.12.05 Sivso Dorph sanaartorneq pillugu ataatsimeeqatigai INUPLAN aamma Sanasoq
- 15.12.05 Sivso Dorph aamma Lisbeth Frederiksenip Flemming Horsfeldt KIIP-meersoq ataatsimeeqatigaat
- 20.12.05 Sivso Dorph sanaartorneq pillugu ataatsimeeqatigai INUPLAN, Sanasoq aamma Burmeister Elteknik
- 20.12.06 Sivso Dorph ASK-imi immikkut atuartitsivik ataatsimeeqatigaa
- 20.12.07 Lisbeth Frederiksen Kangillinnguit Atuarfiani ataatsimiippoq
- 21.12.05 Sivso Dorph aamma Lisbeth Frederiksenip KANUKOKA siulittaasua ataatsimeeqatigaat
- 21.12.06 Sivso Dorph Inerisaavimmi ataatsimiippoq
- 03.01.06 Lisbeth Frederiksen Inerisaavimmi pikkorissarpoq ilaasortanillu ataatsimiisitsilluni
- 03.01.07 Sivso Dorph aamma Lisbeth Frederiksenip Aputsiaq Janussen ataatsimeeqatigaat
- 14.-15.01.06 Lisbeth Frederiksen oqarasuaatikkut ataatsimeeqatigai KANUKOKA aamma Birgitte Thaae
- 10.0.1.06 Sivso Dorph sanaartorneq pillugu ataatsimiippoq
- 17.01.06 Sivso Dorph sanaartorneq pillugu ataatsimiippoq
- 18.-19.02.06 Sivso Dorph Ilinniarfissuarmi
- 18.01.06 Lisbeth Frederiksenip kattuffiit allat peqatigalugit peqqissutsimut naalakkersuisoq ataatsimeeqatigai
- 20.01.06 Sivso Dorph ataatsimeeqatigai PPK aamma PIP
- 20.01.06 Lisbeth Frederiksenip ataatsimeeqatigaa inatsisileritooq Tine Rud
- 21.-22.01.06 Lisbeth Frederiksenip oqarasuaatikkut ataatsimeeqatigai Karl Nielsen aamma Birgitte Thaae
- 23.01.06 Sivso Dorphip ataatsimeeqatigaa Franz Tremel, KIIP
- 24.01.06 Sivso Dorph sanaartorneq pillugu ataatsimiippoq

31.01.06 Sivso Dorph sanaartorneq pillugu ataatsimiippoq

02.02.06 Sivso Dorphip ISI-mi ataatsimeeqatigai ISI, KANUKOKA aamma Perorsaanermik Ilinniarfik

06.02.06 Sivso Dorph aamma Lisbeth Frederiksenip kattuffiit allat ataatsimeeqatigaat

07.02.06 Sivso Dorph sanaartorneq pillugu ataatsimiippoq

07.02.06 Sivso Dorph aamma Lisbeth Frederiksenip ataatsimeeqatigaat Nuuk Internationale Friskole

08.02.06 ERO aamma LIF atuartut naalakkersuinikkut ulluat pillugu ataatsimiinnermi

08.02.06 Paul Raahauge oqarasuaatikkut Ilinniarfissuaq ataatsimeeqatigaa

14.02.06 Sivso Dorph sanaartorneq pillugu ataatsimiippoq

14.02.06 Lisbeth Frederiksenip Aputsiaq Janussen ataatsimeeqatigaa

15.02.06 Sivso Dorph sanaartorneq pillugu ataatsimiippoq

16.02.06 Sivso Dorphip INUPLAN ataatsimeeqatigaa

16.02.06 Sivso Dorph'ip Spar Bank Vest ataatsimeeqatigaa

17.02.06 Sivso Dorph aamma Lisbeth Frederiksenip aaqqissuussinikkut ataatsimiititaliap siulittaasua ataatsimeeqatigaat

17.02.06 Sivso Dorph Inerisaavimmi ataatsimiippoq

17.02.06 Lisbeth Frederiksen aamma Esther Rosingip Mikkel Schourup ataatsimeeqatigaat

20.02.06 Lisbeth Frederiksenip IT-Partnerimit Laila ataatsimeeqatigaa

21.02.06 Sivso Dorph Timelærernes Ferierejsefondimi ataatsimiippoq

22.02.06 Sivso Dorph Inerisaavimmi ataatsimiippoq

23.02.06 Sivso Dorph Kangillinnguit Atuarfiani ilaasortanik ataatsimiisitsivoq

24.02.06 Sivso Dorph'ip Nuup Kommunea ataatsimeeqatigaa

27.02.06 Esther Rosingip Mikkel Schourup ataatsimeeqatigaa

27.02.06 Sivso Dorph'ip Kangillinnguit Atuarfiat ilinniartitsisut ilaat ataatsimeeqatigai

28.02.06 Sivso Dorph sanaartorneq pillugu ataatsimiippoq

01.03.06 Sivso Dorph'ip KIIP ataatsimeeqatigaa

02.03.06 Sivso Dorph'ip Nuup Kommunea ataatsimeeqatigaa

07.03.06 Sivso Dorph sanaartorneq pillugu ataatsimiippoq

07.03.06 Sivso Dorph akileraartarneq assigiimmillu akeqartitsinerup allartinnera pillugu Johan Danielsen ataatsimeeqatigaa

07.03.06 Sivso Dorph ASK-imi ataatsimiippoq

07.03.06 Lisbeth Frederiksenip PPK aamma PIP ataatsimeeqatigai

08.03.06 Lisbeth Frederiksen Suliffigissaasuni ataatsimiippoq

08.03.06 Sivso Dorph'ip APV pillugu Kaalat Møller ataatsimeeqatigaa

08.03.06 Sivso Dorph'ip ataatsimeeqatigai Astrid F. Rex aamma Palle Demokraatineersut

08.03.06 Sivso Dorph'ip kattuffiit allat ataatsimeeqatigai

08.03.06 Sivso Dorph Qorsussuarmi ilaasortanik ataatsimiisitsivoq

09.03.06 Sivso Dorph'ip ataatsimeeqatigai Otto Jeremiassen aamma Ruth Heilmann Siumut

09.03.06 Sivso Dorph'ip ataatsimeeqatigaa Julianne Henningsen IA

13.03.06 Sivso Dorph'ip kukkunersiuisoq ataatsimeeqatigaa

20.03.06 Sivso Dorph sulisoqarnermi inatsisilerineq pillugu Inerisaavimmi ataatsimiippoq

21.03.06 Sivso Dorph sanaartorneq pillugu ataatsimiippoq

21.03.06 Sivso Dorph aam Lisbeth Frederiksen TR-fondenimi ataatsimiipput

21.03.06 Sivso Dorph aamma Lisbeth Frederiksen ulloq naallugu atuartitsivimmi ataatsimeeqateqarput

22.03.06 Sivso Dorph aamma Lisbeth Frederiksenip NIF ataatsimeeqatigaat

23.03.06 Sivso Dorph'ip ISS ataatsimeeqatigaa
 23.03.06 Sivso Dorph'ip Inerisaavimmi ataatsimiippoq
 28.03.06 Lisbeth Frederiksen ulloq naallugu atuartitsivimmi ataatsimeeqateqarpoq
 29.03.06 Sivso Dorph aamma Lisbeth Frederiksenip kattuffiit allat ataatsimeeqatigaat
 10.04.06 Lisbeth Frederiksen suliffimmi atukkat pillugit isumasioqatigiinnermi peqataavoq
 11.04.06 Lisbeth Frederiksen Suliffitsialammik toqqaanermiippoq
 19.04.06 Sivso Dorph isiginnaarutikkut ataatsimiittarneq pillugu IT-Partner
 ataatsimeeqatigaa
 20.04.06 Lisbeth Frederiksen Inerisaavimmi ataatsimiippoq
 20.04.06 Sivso Dorph Kangillinnguit Atuarfiani ilaasortanik ataatsimiisitsivoq
 21.04.06 Sivso Dorph najugaq qimannagu ilinniartitsisunngorniarneq pillugu
 Ilinniarfissuarmi atatasimiippoq
 24.-25.04.06 SDO, LIF aamma ERO Danmarks Lærerforening ataatsimeeqatigaat
 26.-29.04.06 Lisbeth Frederiksen atuarfimmi aqutsisunut ilitersuut pillugu ataatsimeeqataavoq
 27.04.06 Sivso Dorph'ip Sanasoq aamma INUPLAN ataatsimeeqatigai
 27.04.06 Sivso Dorphip aamma Lisbeth Frederiksenillu Tina Pars ataatsimeeqatigaat
 28.04.06 Lisbeth Frederiksenip Mikkili Schourup ataatsimeeqatigaa
 28.04.06 Sivso Dorph aamma Lisbeth Frederiksenip kattuffiit allat ataatsimeeqatigaat
 1.-5.05.06 Sivso Dorph NLS-imi ataatsimiippoq
 02.05.06 Lisbeth Frederiksenip Tina Pars ataatsimeeqatigaa
 03.05.06 Lisbeth Frederiksenip PIP aamma PPK ataatsimeeqatigai
 08.05.06 Sivso Dorph'ip Lene Knüppel aamma Astrid Fleischer Rex ataatsimeeqatigai
 10.05.06 Sivso Dorph aamma Lisbeth Frederiksenip kattuffiit allat ataatsimeeqatigaat
 11.05.06 Sivso Dorph'ip kattuffiit allat ataatsimeeqatigai
 11.05.06 Sivso Dorph'ip INUPLAN ataatsimeeqatigaa
 15.05.06 Sivso Dorph'ip Johnny Østergaard ataatsimeeqatigaa
 15.05.06 Sivso Dorph akissarsiat pillugit ataatsimiititaliami ataatsimiippoq
 16.05.06 Sivso Dorph aamma Lisbeth Frederiksen Isumaqatigiinniartarfimmi piunasaqaatit
 pillugit isummanik paarlaasseqatigiipput
 17.05.06 Sivso Dorphip kattuffiit allat ataatsimeeqatigai
 17.05.06 Sivso Dorphip aningaasaqarnermut naalakkersuisoq ataatsimeeqatigaa
 17.-19.05.06 Lisbeth Frederiksen suliffigissaasuni isumasioqataallunilu ataatsimiippoq
 18.05.06 Sivso Dorphip Grønlandsbanken ataatsimeeqatigaa
 22.05.06 Sivso Dorphip Burmeister Elteknik ataatsimeeqatigaa
 24.05.06 Sivso Dorphip INUPLAN ataatsimeeqatigaa
 24.05.06 Sivso Dorphip HJ-tek Aps ataatsimeeqatigai